

KUOWEN WEEKLY, ILLUSTRATED

國聞週報

第二卷
第二十四期



中華民國十四年六月二十八日出版
中華郵務局特准掛號認爲新聞紙類



六月十四日天津游行之時救女護隊

貴重的功課

英人之對華領事裁判權

上海談判停頓 後之五卅事件

英國歷來對華之政策

病榻日記

VOL, II NO. 24

JUNE 28, 1925

悲壯激昂之愛國運動

天津學生乘裝
貨汽車在通衢
之演講




天津商人愛國集會



羣衆示威游行
出發前之街市
景象

德新總統之宣誓




德國興登堡將軍當選總統五月十一日就職十二日在國會對德意志民國憲法行宣誓禮上圖即彼時所攝也

名人錄



薩鎮冰

薩鎮冰號鼎銘六十七歲。福建閩侯人。前清秀才。後入馬尾船政學堂。復至英國留學。卒業於格林威區皇家海軍學校。畢業歸國後。授武職。不次擢陞。光緒二十八年任廣東閩粵鎮總。次年調北洋水師提督。二十一年改廣東水師提督。三十二年。升廣東水陸師提督。宣統元年春任籌劃海軍大臣。旋兼南北海軍統制官。同年隨貝勒載洵出洋赴日本及歐洲各國考察海軍。歸國後任職海軍提督。辛亥武昌起義。奉清廷命督率長江水師赴鄂作戰。繼復任爲海軍部大臣。以海軍與革命軍合作中途赴滬。旋任上海商船學校校長。民元袁政府晉授以海軍上將。二次革命起。奉袁命督率淞滬水陸警察。內調後供職海陸軍統率辦事處。兼參政院參政。此後歷任海軍部次長。海軍總司令。福建清鄉督辦等職。民國八九年靳雲鵬內閣時代。任海軍總長。十一年閩粵海防司令。十二年福建查烟大員。旋任閩疆宣慰使。同年十月任命省長。今仍此職。



△上海五卅交涉、雖告停頓、而外交重心於移京、都且渙濶未了。粵案又生、情勢緊迫、而吾人之、激刺亦深、本期關於此案、仍用專篇、記載、希讀者留意、

△本期所載「英國歷來對華之政策」、「英人目中之對華領事裁判權」均為五卅事件之遠因、尤為吾國民所不可不知、幸讀者勿輕忽讀過、

△唐寶潮夫人新粧攝影、原定本期發刊、嗣因銅版紙材料擁擠、祇得暫停、此不歉、

△組字游戲第三次、應徵者較上期尤多、足徵讀者興趣濃厚、同人當益自勉勵、為讀者謀身心之快樂、

目錄

社評(四則)

五卅案交涉之持久戰	政之
不平條約如何廢除乎	天生
學者破產	誠夫
上海血案之雜感	笑庵
上海交涉停頓中之五卅事件	公展
英人目中之對華領事裁判權	受百譯
英國歷來對華之政策	張季信
最近之日本政黨與內閣	駐日壽潛記者
國內外一週間大事紀	公展
曲諧(三十)	二北
家庭醫學常識	余愚
貴重的功課(小說)	柴霍夫著 怡廬譯
病榻日記	凝冰
海上新粧	心冷文農

社評

五卅案交涉之持久戰

政之

五卅慘案發生後。國人激於義憤。羣衆運動。南北流行。而上海之罷市罷工。尤爲有聲有色。願其內容則虛聲溢於實力。感情多於理性。識者早已竊竊危之。吾於日前由滬來京。乃覺都門人士之激昂慷慨。竟更烈於上海各界。而團體之多。意見之雜。則又過於上海。不負責任之論調。高唱入雲。即號爲飽經世變之名流。夙負聲譽之學者。其所主張亦往往虛矯浮薄。遠不類於富有學識經驗者之所言。如對英之開戰論。與對英日之斷絕國交論。幾已忘却中國今日之國情。與夫現代國際戰爭之重大責任。徒知助長一哄之勢。易官僚式之詔上爲政客式之媚下。卒至能言而不能行。徒示外人以弱點。六國委員會之謝絕交涉。實國人在南北各地自暴弱點有以致之。國人今後若不速自儆悟。從切實堅毅上努力。則不特五卅案所牽連之根本問題。莫由解決。即五卅案本身決無問題之懲兇撫卹諸點。恐亦將受其影響。成爲懸案。今誠可爲憂者也。

大凡無節制之羣衆運動。無可以持久之理。而事之過於勉強者。亦終不能強人以必從。五卅慘案之根本原因。在於英國對華政策之橫暴無理。而其所以致此。則不平等條約爲之厲階。顧所謂不平等條約。要非無因而至。帝國主義國家之侵略政策。固堪痛恨。而吾國甲午庚子兩次之輕舉妄動。亦足發人深省。吾人猶憶甲午之役。反對中日開戰者。爲合肥李氏。當時舉國唾罵。詆爲漢奸。實則平日準備海軍佈置國防者。祇有李氏。事後出而收拾補救者。仍祇有李氏。而在當時醜詆李氏者。雖博社會一時之讚揚。已爲國家貽百年之大患。可知軍國重事。決不宜輕徇感情。尤不宜用爲獵名沽譽之具。自不平等條約成立以後。改正運動亦不止一次。尤以華盛頓會議一役爲最著。顧在平日國民既未嘗鞭策政府。繼續於改善條約之交涉。所謂學者名流亦鮮有就關稅問題領事裁判權問題上海會審公廨等項。爲具體之研究。以指導社會。使國民得正確之了解。其實社會上智識階級應負之責任。今五卅案移京交涉。關於收回公廨管理租界並撤廢領事裁判權等事。預料會有長期之磋商。則國人尤宜作持久作戰之計畫。吾人之意。以爲就目下情形言。五卅案可分三段看法。

- 一、五卅案之本身 (一)懲辦凶手 (二)撫卹傷亡 (三)日本紗廠案
- 二、上海租界善後 (一)會審公堂之收回改組 (二)租界未收回前華人參與租界市政辦法 (三)租界外人工廠之勞工問題
- 三、對外根本問題 (一)取消領事裁判權 (二)收回租界 (三)關稅自由

以上三段問題。若不完全達到目的。則今次全國之援助滬案。將成毫無意識。不過三者同時解決。斷非易事。則運動之步驟與方法應有準備。竊意第一段宜督促政府即日解決。未解決前對英日經濟絕交與罷工。須予堅持。第二段宜一面督促政府解決。一面將公堂之黑暗。工部局之腐敗。外人工廠之苛虐。調查宣布。尤宜喚起外國人與英本國社會之注意。於解決第二段問題之時。即為解決根本問題之初步。至於第三段則一方當督促政府改良司法。編訂法典。修明軍政。整飭警務。清釐財政。改正稅法。一面宜以領事兼理司法之弊害。租界秩序不良之事實。關稅協定之不合公道等等。作大規模之對外宣傳。根據情實。平心靜氣。以促外人之反省。苟能博得世界輿論之同情。則第三段問題之解決。斷非難事。抑吾人尤有進者。三罷之舉（罷市罷學罷工）近於自殺。以後不宜輕出。即經濟絕交亦非徹底之辦法。蓋交易貿易遷事本兩利。一經抵制。則受其損害者決非外人一方。所謂事之過於勉強者。終不能強人以必從者。此其一端也。至提倡國貨。理所當然。即對外事件。亦應積極進行。其法宜由商業專家。就國貨與外貨加以比較。苟國產可以代替外貨。自宜獎勵本國之生產。若夫在五卅案本身未解決前。不得已而用排貨手段之時。第一宜考查某國何種產品為吾人之所必需。然後調查可以代替之物。若國產所有。則宜運用國貨。否則以別國製品代之。如煙草。如煤油。一者可以國貨代。一者固可以他一國出產代之也。如此有條理有組織之方法。乃可持久而不疲。苟非然者。大之再遭國家威信。小之徒令商業受害。以後愛國運動將失其號召力。其禍患更不堪設想矣。

不平等條約如何廢除乎

天生

廢除不平等條約已成爲今日滬漢各案根本救濟之總名詞。第應取若何手續。而始能達廢除之目的乎。此則今日亟應討論者也。

欲知廢除不平等條約之手續。則第一應知所謂不平等條約者。在國際公法之眼光中。與一般之條約。並無區別。故廢止一般條約所適用之原則。即可適用於廢止不平等條約者也。

依國際公法之所指示。條約之廢止或修改。須在以下之場合。

(一)當事者兩造之同意

(二)爲條約基礎之事實。已不存在。或條約繼續之條件。已經消滅。

(三)主要目的。已經完成。或有期限者。已屆期滿。

(四)權利國之片面放棄。

(五)開戰（開戰以後。有種條約。立歸廢止。有種條約。僅作暫停。至開戰結果。或勝或敗。另訂新約。則無論何種舊約。自當均在廢止之列）

（尚有其他等條與我國不平等條約之廢止。絕無關係者。均不贅）

綜觀以上各條。第三項無可比附。蓋我國不平等條約中。無所謂主要目的。已否完成。除租借地外。各國所加於我國之束縛與義務。類無期限規定也。（第四）項欲求權利國之片面放棄。雖如庚子賠款。各國先後聲明退還。威海衛租借地。亦經英國口頭放棄。然欲期各國對於我國之痛苦楚。一一撫摩。代爲療治。不特我國事事處於被解放之地位。抑且在事實上。亦有與虎謀皮之難。至於（第二）項。所謂爲條約基礎之事實。已不存在。或條約繼續之條件。已經消滅。實爲今日中外兩方極大之爭點。我國謂數十年來。中國已有甚大進步。當日訂立條約時之基本事實。已無存在。外人謂政治腐敗。內亂頻仍。國基未固。一無異於昔日。我國謂司法制度。已大改良。領事裁判權。應即取消。外人謂司法精神。尚未獨立。法官枉法時有所聞。領事裁判權。尙難即廢。我國謂關稅自由。乃一國主權之所繫。年來國用浩繁。已非當日稅率所能支持。外人謂關稅增歲入。適足

以供給軍。閩助長內亂。非以禍之我國。謂外國駐軍有傷主權。且今日已非昔比。自能維持秩序。外人謂土匪遍地。軍閥橫行。外人之生命財產。尚不敢託付於中國政府之手。凡此爭說。既不能有絕對之證明。即無從認定條約基礎之事狀。已不存在。而遽為片面之廢除。況按之國際公法。年久之條約。根本事實業經變更。是否即可作為自然消滅。學者意見。尚不一致。自由論者之主張。雖在肯定方面。然尚以謂須視各案之情形而異。未可一概而論。如Charles Stockton及Lawrence Sagely等。而嚴格論者。則持一八七一年倫敦會議之規約為言。謂「無論何國非得對方之同意。用和平協商之手續。不得自脫於條約之義務。或更改其重要之部份。」夫假定其為年久廢弛。根本事實業已變更之條約。其不能遽以片面之意思。為廢除之表示也。猶如此。何況我國之所謂不平等條約。其基礎事狀。已否不存。尚在疑問之天。而外人之所以難我者。猶復振振有詞乎。

我國廢除不平等條約之最大理由。不外兩端。一即因其年代已久。情勢變遷。二則因其條約性質或傷及主權或妨礙獨立。或締約時之出於威劫利誘。然此兩大原因。用以提議廢除或修改。則可據以片面宣告無效。則不可質言之。我國各種不平等條約之應廢除或修改。在國際法上有充分之理由。與堅強之根據。然而非自始無效。(Void)亦非可無效(Voidable)而可由當事者之一方。任意宣佈廢止也。

然則我國不平等條約將如何而達廢除之目的乎。曰是不外上述之第一(一)項。得兩造之同意。與第五(五)項開戰之兩途。前者須取交涉之途徑。或會議之形式。後者須為軍事上之準備。今日國中。自非義和團之流。亞坐井觀天夜郎自大之徒。必不應為開戰之選擇。有之。吾人亦不敢目為

顛醉狂易。亦惟有以善意度之。而認為僅係虛張聲勢之一種宣傳而已。雖然。不平等條約之廢除或修改。固須循上述之途徑。而外人所加於我國之不平與束縛。又豈盡有條約之根據。如上海會審公廨之存在。租界警權之擴大。皆為條約以外之不平。此則我國亟應乘此時機。自動廢除。不必得對方之同意。而可以片面行動者也。是故國人苟欲致力於不平等條約之廢除者。猶可分為兩步。第一步先平條約外之不平。第二步平條約上之不平。前者可以單動。後者須由協動。此國人所宜注意也。

學者破產

誠夫

中國今日有無真正之學者。假令有之。何人足以代表。此項問題。苟冥思而求之。一時殆有難於答覆之感。蓋中國之所謂學者。皆僅虛有其表。按之實際。學者不過一塊招牌。獵官乃其真實之目的。學者服官。固不足為病。但吾人鑒於現時之所謂學者。殆皆有一種共同之通病。即學者之研求學術。大改恆在未成名以前。既成名後。則書卷固完全拋開。即其精神與思想。亦全流入其他之途徑。而好官之念。尤佔十之八九。此而可謂學者。學者焉有不破產之理。吾今舉近事以實吾說。現政府中之閣員。掛有司法教育兩總長頭銜之章士釗氏。世人皆知為著名之學者。章氏於五七之後。因受學者之攻擊。而辭職而赴津。逾月餘之久。日前突又到部視事。於是而前之堅決求去。與情詞懇摯之辭呈。至今乃恍然為一種文飾之工具。而章氏現在之旨趣。則似尚抱定所謂有官必做之主義。夫章之樂於作官。原無可非議。但試就其任內之行爲。與辭職赴津之原因觀之。殊有令人不能無疑異之感。何者章氏就法長之後。其行爲之最可紀念者。一為喜與新聞記者打官司。一為斥罵新聞

界。不配廢止出版法。以態度言。較官僚出身者。尤蹇傲百倍。及至五七章。以教長之身分。而央令軍警當局。嚴重取締學生集會。以理言。章力所及者。以教部命令。禁止各校放假而已。足地面秩序。維持軍警當局。固負有專責。初不必勞章氏之操心。乃結果竟因是激起重大之風潮。在章氏本人。主張縱令即當。而所取手段。則不能謂無錯誤。及風潮既起。章以辭職為名。緩和對方之空氣。挽留指令既下。亦復趨起不前者多日。近以滬案發生。乘全國對外之際。遽然復職。章之行爲。實不免有不甚光明之感。章氏於赴津之後。如仍能保持其學者之本性。回想已往之事實。至少當必有若干之追悔。因此追悔而不願復職。則未嘗不可重回復其學者之地位。惟其非是。故於此際仍入京復職。章氏原有之學者態度。至是可謂完全變更。所謂學者亦有名實不副。事實上已於破產之觀。吾人論此。固不僅爲章氏個人惜也。(六月廿一日自北京寄)

上海血案之

雜感

笑菴

一、「五卅」名稱之不適當 上海流血案發生。以五月三十日。故曰「五卅」案。愚對此名稱。竊不謂然。夫此案之起因。遠在五月三十日之前。若取其發生之日而名之。應以顧正洪在日本紗廠被殺之日。始符不誤。若取其流血最慘之日而名之。則六月一日二日。較諸五月三十日爲尤甚。愚意此案發生。有三個表現。一、英人表現其強蠻行爲。二、吾國可表現禦侮的民氣。三、世界人道公理。究竟存亡。將亦於此表現之。至吾國之所遭。實極端的悲憤。亦極大的國恥。積此數點。則對於此案名稱。應大書特書曰血案。一以喚起全世界之注意。一以使國民觸目驚心。彼「五卅」云者。似有類於人既殺我害我。我乃不敢聲其罪。乃爲此避諱之稱。且循此名稱。世之不了

解此案事情者。將對此重大殺人流血問題。不獨茫無感觸。亦患其不悟「五卅」二字。實何所指。抑進一步言。茲僅以五月三十日之「日」名此案。他日者吾國國際地位。或亦於五月三十日增高。或吾國國際榮譽。亦恰於五月三十日而取得。吾人若更依此例以定紀念日期。不將又名爲「五卅」乎。愚嘗以爲所謂「五四運動」「五九紀念」等等。以「日」命名。總覺含有帝皇時代的避諱嫌疑。而無直書的勇敢。至其影響於國民的觀感。尤爲至小。故深盼對於所謂「五卅」二字。予以改正。使名實相副爲妙也。

二、自殺者心理之研究 此次滬漢血案發生。以自盡而表其孤憤者。數見於報章。愚獨深滋疑惑。蓋自盡者之所謂愛國憤慨。祇數行之遺書耳。按諸事實。絕無裨於外交之勝利。亦不能爲外交後盾。此而自盡。雖千萬人。人之辱我。與我之原有環境。無絲毫影響。抑反爲辱我者。譏我愚且蠢。蠢且無能。乃爲匹夫匹婦之行。以至於自盡。苟果真愛國真憤慨。應有二原則。一、有責任心。對於外侮之來。當竭其心力。積極奮鬥。非至最後五分鐘而弗已。二、有勇敢性。外侮既來。奔走應付。雖泰山崩於前而不懼。糜鹿興於後而不驚。始終澈澈以臨之。夫有自盡的決心者。即能履此二原則。既能履此二原則。則胡必自暴自欺。而爲不文不武。譏笑外人之舉耶。或曰。近世人心。狡黠者多。世固有善用時機以沽名釣譽者。彼自盡之徒。或其環境極惡劣。或先以不肖行爲待人。而權人之報復。要之非一死不能倖免。遂杜撰遺書。率性河投。既避人之報復。亦可獵得烈士盛名。是一舉而兩得也。持是說者。或屬過刻之論。然世固有故作投機事業者。亦誠不能使人勿疑。故吾人對於報章及其他團體。深盼勿率爾爲此消極者。宜揚致導人於迷。至自盡者之真正心理。何居。亦當嚴爲研究。毋使狡黠者逞其狡。亦毋使多數人相率自盡。庶幾抱真愛國與憤慨者。方積極發揮其責任心與勇敢性也。世之賢哲。以爲何如。



上海談判停頓後之五卅事件

(公展)

自五卅慘案發生。以迄於今。幾一月矣。此一月中。全國各界。一致奮起。表示抗議。加以雙方委員在滬談判。中途停頓。民氣激昂。更不可遏。茲後形勢。大概當移京交涉。而我國國民為爭交涉之最後勝利計。又不得不為較可持久之奮鬥。故上海公共租界。已決定本月廿六日開市。但罷工抵貨。凡可以促對方之覺悟者。當依然堅持不懈也。本報對此事件。至為重視。輯為專篇。縷析紀載者。既三期矣。今仍本斯旨。分紀二十四日以前之各方情形於後。以供國人之參考。

▲上海交涉之回顧

▲談判停頓之經過 上海談判。我國方面之特派員為蔡廷幹、鄭謙、曾宗鑒與交涉員許沅。使團方面則為英、日、美、法、意、比六使署之委員團。十六日起。正式交涉。至十八日而宣告破裂。其交涉之根據。為上海總商會所擬定之十三條件。而經我國特派員提出者也。第一次會議時。就我國提出條件大體討論。六國委員雖以權限問題未肯接受。然態度尚佳。第二次會議。於前五項逐項討論。第三次會議。六國委員態度忽趨強硬。首即表示謂本委員等此來。係奉使團公同之使命。而使團命令中所給予之權限。為中國外交部所提出之四項先決條件。舍此以外。別無可以接受討論之權。我國委員答謂。本委員等受政府之命。實有磋商此十三項

提案之全權。而此十三項者。實為最低限度之要求。無可讓步。驟視之前五項。似為關於本案本身。其餘似無如何直接之關係。實則如印刷附律碼頭捐。越界築路等案。亦為此大學生游行中反對標幟之一。奚得謂為無關係。故本委員等為根本消弭工部局與地方市民之惡感計。認為非將此十三條完全達到不可。否則即此案俾告解決。不久亦必有同樣案件之發生。使地方治安重復陷入危險云云。乃六國委員仍持原議。謂絕對無權承受。宣告散會。六國委員並於即晚北上。交涉至此。遂告停頓。



天津市民集會中之警畫

▲六國委員團之公告 六國委員團十八晚離滬時。發表公報如下。有關係各國駐京代表派至上海之委員團。以便調查近今事端。並力圖迅速解決。因此事端。直接發生之種種糾紛者。今日在交涉員公署第三次與中國代表開會。

委員會在此會議中。以具體建議提交中國代表團。此項建議在委員會意見中。以爲可作解決之公允基礎。中國代表團則重以與迄今可悲事端無直接關係之要求若干條。提交委員會。惟委員會於最初開會之始。即鄭重聲明。未曾奉命辦理此項事件。中國代表團且言此項事件。必須與本案同時辦理云云。要知所授予委員會之訓令。乃根據於外交部致各使署之牒文。文內僅開列全與本案有直接關係之條件四項。茲以雙方意見。似屬完全歧異。難有就地早日解決之希望。故委員會議決於今夜啓程返京。

▲交涉專員之公告。我國特派員蔡廷幹等。公布談判經過。及交涉停頓原因。文云。自滬慘發生。廷幹等奉命來滬。既負調查之責。又受辦理之權。內本天良。外審輿論。欲爲根本解決之計。不得不將本案連帶之事。同時求其癥結。且此案之重大。爲自有租界以來所未有。租界當局。負其完全責任。更無推諉之餘地。此皆爲辦理本案之先決方法。乃自本月十六日。與六國駐京公使代表委員會開始談判。以迄本月十八日止。凡會議三次。先之以和平協商。繼之以鄭重討論。委員會始終堅持限定與本案直接關係各條。此外如公堂市政築路等事。無論如何要求。均以無權研究相拒。復以此案發生之遠因。謂我華界官吏。亦應同負其責。更無承認之理。是與我方所抱之方針。完全抵觸。因此談判宣告停頓。廷幹等業已急電報告政府。嚴重抗議繼續交涉。所有會議經過及交涉停頓情形。合亟先行宣告。尙希察照。蔡廷幹鄭謙曾宗鑑。六月十九日。

▲六國公使之宣言。十九日駐京使團因滬上談判破裂。特開會商議善後辦法。即日下午五時發表談判決裂後之漢文宣言如下。『有關係各國之外交代表所派往上海之委員會。原只有調查之職責。嗣將其權

限範圍加以擴充。並與中國政府所派之代表接洽交涉。惟中國政府之代表所提出之要求。曾有數端超越該委員會權限以外。外交代表之委員正在中途。將欲回京。呈遞伊等之報告。有關係各國之外交代表。曾向外交部表示意見。願交涉立即著手進行。按照伊等之意旨。上海案件可按公理迅速解決。應作爲優先同意之一種問題。若中國政府表示意見。有關係各國之代表。亦可請其各本國政府允准外交代表以最和睦之精神。討論在上海已交其委員所提議之各條款。關係公共租界組織法。並在該租界內之審判制度兩項問題。

▲移京交涉之準備。上海談判既破裂。六國委員於二十日下午抵京。廿二日上午。使團在英領事館會議。先由委員長祁畢業報告在滬交涉經過。各使僉以滬團體主張紛歧。華官亦無具體負責者。就地交涉。誠非短期所能了結。決定在京辦理。仍推意使與外長沈瑞麟接洽繼續開議手續。是晚。意使與沈約定滬案移京。由意法美三使辦理。繼開英日二使。以避嫌疑。請中國派員開議。外部一方電召蔡曾同京。蔡曾已於二十一日晚離滬北上復命。一方請段執政派人。聞段擬派顧惠慶王正廷蔡廷幹爲全權代表。仍將滬提十三條件。在京完全提出。以爲交涉之根據。先是外部於二十日夜照會意使。謂六國委員與中國委員在滬交涉。係由貴使來照提議。認爲應行就近解決。爲妥。同時貴使晉謁執政。商請中政府訓令蔡曾等。與六委員談判。中政府爲希望早決滬事起見。當經照辦。乃甫經開議。突然停頓。離滬回京。當此民情憤激之時。若拖延時日。再起事端。責任應有所歸。特預爲聲明云云。使團經二十二日及二十三日之會議後。當即照令外部聲明願意儘速談判。不負滬案延緩解決之責任。此外外部於二十三日開議後。將於滬案十三條件外。另行照會使團。提

天津各界示威游行



議修正不平等條約二十四日同時。送出兩照會原文如下。(一)國際友誼基礎。端賴彼此了解及誠意。茲為增進鞏固中外邦交起見。用將促進此項了解誠意必要之問題。為貴使提之。近年吾國輿情及外國識者。愈謂為對中國公道計。為關係各方利益計。亟宜將中外條約重加修正。俾合於中國現狀暨國際公理平允之原則。實以此等條約歷時已久。且商訂之際。往往在特種情狀之下。未有充分自由之機會。以討論規定中外

間應守普通永久之原則。在當時之意。特以應一時特殊時勢之需要。不料繼續有效。以至於今。環境業已大變。而外人所享政治經濟之非常權利。依然永遠存在。既於現情不合。不特使關係雙方之各種事情。因為陳舊條約所束縛。彼此均有不便不利之處。且此種不平等情狀及非常權利之存在。常為人民怨望之原因。甚至發生衝突。以擾及中外和好之友誼。如最近上海事變。至為不幸。歐戰之際。

協約各國。曾以維持國際公法及擁護公道主義相號召。當時中國參戰。原望國際地位。有所改良。關係各國。亦曾表示願盡力贊助中國在國際上享受大國當有地位。孰料以後中國人民。竟大失望。歐戰既勝。中國本身國際地位。毫無進步。且就某方面論。或反不若戰敗之國家。因彼輩國內。初未見有領事法庭。外國租界租借地。及受外界強迫之協定稅則也。

中政府亦曾屢以修正條約關係之問題。提商於有關係國。其初也提出巴黎和會。顧和會雖承認此項問題之重要。但認為不在和會權限以內。置而未議。華盛頓會議。中國亦曾作同樣請求。雖有比較善意之考量。亦未能同意於根本之解決。結果所獲寥寥。最近執政就任。曾重加表示。深盼各友邦對近年中國政府在各種國際會議。本全國人民希望所提事件。予以友誼之考量。藉以增進邦交。同沾樂利。中政府深知非常權利一經消除。不第各國權利利益。更得保障。且中外友誼。必臻進步。為彼此利益計。望貴國政府重視中國人民正當之願望。對於中國政府依公平主義修正條約之提議。予以滿足之答覆。相應照會貴使查照。並轉達貴政府此照。此照係分送各使館者。(二)滬捕房慘殺華人案。經華委員在滬提十三條。與使團委員就地商議。未能解決。茲該案既定移京。自應將所提條件暨本政府認為必須修正條約之問題。特提如左。(一)撤消非常戒備。(二)因此案被捕華人。一律釋放。并恢復公共租界被封及佔據之各學校原狀。(三)懲兇。先行停職。聽候嚴辦。(四)賠償傷亡及工商學因此案所受損失。(五)道歉。(六)收回會審公廨。(七)洋務職工海員工廠工人等。因悲憤罷業者。將來仍還原職。并不扣薪。(八)優待工人。工作與否。隨其自願。不得處罰。(九)工部局投票權案。(甲)工部局董事會及納稅人代表會。由華人共同組織之。納稅人代表額。以納稅多寡比例為定額。其納稅人會出席投票權。與關係國西人一律平等。(乙)投票權須查明其產業為已有或代理的。已有的有投票權。代理的應歸產業所有人享有。(十)制止越界築路。工部局不得越租界築馬路。已築成者由中國政府無條件收回管理。(十一)撤印刷附律碼頭捐交易所領照案。(十二)華人在租界有言論集會出版之自由。(十三)撤換工部局書記

魯和以上十三項。僅爲解決滬案局部問題。欲根本改良中外友誼及維持永久之和平。必須從前所訂各項不平等條約加以修正。業於本日詳述理由。另照分達。請貴使轉有關係各使查照。希速開議。俾早解決。此照。

政府與使團間之往復抗議

▲使團反遞抗議書。英法美日意比等六國公使。十七日上午爲一度之會議。對於滬漢津各案。反提出抗議書。即於下午送達外交部。原文如下。『目下中國境內。呈蔓延的不安狀態。外人之生命財產。殊深危險。本使代表同僚。謹願喚起中政府之慎重注意。上海所發生之不幸事件。各國外交代表。爲維持秩序計。已對中政府應負之重大責任。喚起中政府之注意。但以後更在其他地方。復起殊帶重大性質之新起事件。漢口於殺一日人後。羣衆復持棒竿石子。高呼殺却外人。而入英界。租界當局以消防用之噴水器。努力擊退。仍無效果。故爲退却侵入者計。不得已用及武器。九江羣衆之暴動。則逼向英日領館及一日人銀行。該銀行全部並遭焚燬。領館亦蒙損失。事件發生以前。已對地方當局有所警告。請由當局負維持秩序之全責。而以日水兵毋庸上陸以協定條件。乃肇事之際。曾經疊請派軍出發。達至三小時以上。該當局迄未加以注意。鎮江亦有排外運動。達於極度。遂使外人不得不遣其妻女赴滬。最後上海租界以外。復有一外人爲小鎗所殺。其同伴一外婦。亦於同時被傷。關於上述之事件。不特爲各外交代表所認爲重大。且中國各地。現已一致釀成排外思想及破壞風潮。此爲外人所極深恐怖。實於中外間之親善關係。肇成阻害之結果也。茲爲願圖除去一切原因起見。各外交代表者。對於現局上之重大。及請求對策上之急要。特願再行喚起中國政府之最慎重注意。霍樂第署名。六月十七日。』

▲外交部之駁覆。外交部駁覆意領使十七日警告照會。二十日通過閣議後。即行送出。原文長二千餘言。大略聲明中政府對於各處嚴重情形。早經鄭重注意。來照所述各處狀況。多與事實不盡符合。如漢口慘殺案。當羣衆集合時。胡交涉員曾與英領事約定。無論何時。決不開鎗。若不得已。亦祇放空鎗。雖日本商店受有打擊。亦何至開鎗。且向羣衆開放機關鎗。時距英領事與胡交涉員約定不放鎗。不過十幾分鐘。漢租界官吏措置失當。至有鎗殺八人。受傷十餘人之結果。殊爲可惜。九江案由于少數工人欲在太古碼頭上岸。與巡捕齟齬而起。適其時早經閉歇之日本臺灣銀行突然起火。羣衆一時慌亂。以致日英兩領事館物件稍受損害。厥後軍警趕到。撲滅火警。秩序旋即平靜。鎮江方面。因滬案發生游行示威。原定不入租界。嗣因鎮江工部局工人與巡捕衝突。由西捕放空鎗。致有妨害情事。至上海最近殺害英人一案。凶手何人。迄未查獲。出事期間與地點。在工部局越界築路以內。工部局既未請中國設警。當然無法保護越界築路案。迭經中政府聲明不准在案。今有此結果。尤爲可惜。揆之上述情形。除上海英人被殺案。爲另一問題。應行詳密偵查外。其他各處發生事件。均由滬案不能早日公允解決。而來照所云排外與破壞各節。絕非事實。應請貴使等予以諒解。且中政府曾經命令曉諭人民率循正軌。靜候解決。並通電各省軍民長官。責成維持地方秩序。及保護外人生命。




靜候解決。並通電各省軍民長官。責成維持地方秩序。及保護外人生命。

財產中政府審察目下情形。深願貴使等對於滬案不再停頓。迅速依照人道主義與公平原則早日解決。庶可稍平民氣。而各處嚴重狀態亦可歸於平靜。應請特別注意云云。但二十三日使團兩次會議後。對於外部此項照會。亦有駁覆。二十三日下午送達外部。援引長江一帶新發生之事件。指為排外。以證前此照會之不虛。原文容後續錄。

▲英使之單獨抗議。十六日下午。英白代辦第三照會。略謂中國各地方抵制英貨。中政府並不設法阻止。反聽其公自強迫商民。昌言抵制。應請酌核辦理。十九日晨。英白代辦又照會外部。謂京奉路車上貼有畫圖及傳單。均係排英宣傳。華官不應任其張貼。請迅令禁阻。且請交通部取消交通機關職員捐薪一月救濟工人之通令。是更涉及內政矣。英使態度之強硬。即此可想見也。

▲上海各界之意見

交涉條件問題。上海談判之破裂。在六國委員態度前後驟變。固無圖謀解決之誠意。然我國方面對於所提條件之不審慎。亦未始非破裂原因之一端。查工商學聯合委員會曾於七日在總商會經虞會長之手。回特派員提出交涉條件。計先決條件四。希望工部局即速履行以表示誠意者。(一)取消戒嚴。(二)撤退海軍陸戰隊。並解除商團及巡捕之武



裝。(三)所有被捕華人一律送回。(四)恢復公共租界被封及佔據之各學校原狀。又正式條件十三。則為進行交涉之根據。(一)懲兇。(二)賠償直接間接之損失。(三)道歉。(四)撤換工部局總辦魯和。(五)言論集會出版之絕對自由。(六)優待工人。訂工人保護法。並承認有組織工會及罷工之自由。(七)分配高級巡捕。(八)撤銷印刷附律等三特案。(九)制止越界築路。(十)收回會審公廨。(十一)在未收回租界前。華人應有工部局投票權。(十二)取消領事裁判權。(十三)永撤駐滬之英日海陸軍。工商學聯合會並電告外部。請根據此項事件向使團交涉。但蔡曾接受條件後。初則遲不進行。迨鄭謙到滬。總商會於十二日宴請官商各界。復將工商學聯合會之條件加以修正。提交許沅核辦。而許即於十三日照遞意領袖領事。此即所謂總商會之十三條件。而工商學聯合會否認正式同意者也。核其內容。異點如下。(一)除次序更易並詞氣輕重不同外。刪去原提第十二條與第十三條。即取消領事裁判權與永撤英日駐滬海陸軍兩條。此蓋總商會所認為難辦而先自退讓者也。(二)修改優待工人一條。註明工作與否隨其自願。將要求承認有組織工會與罷工之自由一點輕易刪去。遂得相反之效果。而遭工界之反對。(三)將原提先決四條件併成兩條。與刪除之十一條合併而成爲十三條。一次提出。不分先決與正式。釀成日後之僵局。夫工商學聯合會原定計畫。先決條件四項。爲解決罷市問題。此外條件十三項。則爲提出於正式交涉之要求。具性質範圍亦頗有輕重廣狹之別。用意周密。頗有轉圜地步。而總商會修改以後。抹煞此重要之關鍵。蔡曾許等亦不知此義。不明十三條乃許多性質不同要求決無在滬一併討論之望。委員相談判。卒致失敗而自辱。苟非居心邀功。即屬顛預從事。其不能辭咎一也。交涉既停頓矣。各界異議紛紛而起。

上海學生聯合會因此次總商會單獨提出條件。不但未經工商學聯合討論通過。更未經工學兩界之同意。即將條件提出交涉。以致交涉停頓。特召集各校學生及各界工人。於三十日齊集公共體育場。遊行示威。表示反對。而工商學聯合會亦正式宣言。否認總商會之十三條。並電外部。仍請根據該會原提條件進行交涉。自五卅案起。全國一致對外。氣象頗佳。深願總商會捐棄成見。不可因條件問題而肇各界分裂之端。尤盼外交部慎重將事。勿狃於總商會條件之已提出。宜更容納工學兩界之意。加以適當之修正也。

▲上海開市問題 上海公共租界罷市。業已三週有餘。始終堅持。良可欽敬。工商罷工。日益擴展。浦東碼頭小工。十九日起亦加入罷工。總計全埠罷工者。已達三十萬。本外埠各界連日捐款救濟。亦殊踴躍。至本月十日始開會員大會。議決特設五卅事件委員會。正式出而辦理。近又責成經濟委員收受各界捐款。分發罷工工人。十八日交涉停頓之消息一播。四十餘商業團體即於當晚在總商會密議應付方法。翌日(十九)總商會又召集七十六商業團體開秘密會議。決定陰歷五月朔日開市。而以另組提倡國貨會。暫停對英日交易及買賣。籌款救濟工人三事為條件。但其所謂經濟絕交。初無鮮明負責之表示。而開市日期又未得工商學聯合會之同意。乃於二十日續議。改為二十六日(即端午後一日)當派代表赴工商學聯合會商議。關於二十六日開市宣言。將工商學聯合會各路商聯合會及總商會所起三稿。由總商會參酌發表。并決定二十五日起。商店懸掛白旗。店員臂纏黑紗。以示哀痛。關於開市後之辦法。總商會亦正在磋商中。開市問題。今既告一段落。所望領袖羣商之滬商會。努力實行經濟絕交。捐款援助工人。庶幾可以為交涉之後盾。否則但求一旦開

市。萬事全休。則不但前此犧牲為徒費。抑且無以對他埠援助之國人。無以杜外人環伺其旁者之譏誚也。

▲顧正鴻案之結束

▲公廨審訊被捕諸人之判詞 五卅案被捕者既經公廨判決開釋。六案被捕者。嗣亦一律判釋。惟有少數妨礙電車者。罰洋了事。可見羣衆在此兩日均無暴動。至五月十五號薄暮。滬西日商第七等紗廠發生之風潮。日人開鎗將工人顧正鴻擊傷身死。並傷多人。一案即五卅事件之起因。事後普陀路捕房將所受輕重傷之伍阿四。徐阿炳。周阿大。王小龍。丁阿三。周老三。高阿二。王福金。胡佩洪。胡佩亮。及當場所拘之徐書林。王明左。萬開元等。提起公訴。其所控案情。為於五月十六號下午六時在澳門路互相滋擾。並在第五紗廠內鼓動工人恐嚇及毀壞廠物。毆擊印捕。早經公共公廨諭准胡佩洪具結出外候訊。餘均押候特別訂訊。十九日由陸仲良襄諭會同日副領事田島君升坐所訊。後當即宣言。判詞照錄如下。『查核到案證人及被告等供詞。即可證明本案發生原因。極為細微。因本年五月十五日日本內外棉紗廠以第七廠缺乏材料。無可工作。遂決定第七廠當夜夜工停止工作。據稱事前曾貼通告於該廠門前。並派人立於廠前知照各工人。該廠夜工人等因未知夜工停止工作。於午後五點鐘後陸續赴廠工作。迨抵廠後。因遭拒絕入廠。始悉夜工停止工作。遂要求廠員比照該廠日工辦法。給予半數工資。廠員拒絕。致起衝突。結果工人顧正鴻為鎗擊傷身死。其餘工人徐阿炳。胡佩亮等數人。有為鎗擊傷者。有為木鐵棍等擊傷者。傷勢輕重不等。廠中職員日人清水亦到案聲稱。為工人用木棍毆傷。廠中機器棹椅。電燈門窗等亦多損毀。此即本年五月十五日本案發生之原因。亦即本公堂認定之事實。本

案前次開審時。被告胡佩亮當堂聲請。無故爲日人鎗傷右臂。不能工作。擬要求賠償損失。此實未明瞭本公堂管轄範圍。廠中日人施用手鎗及木鐵棍等。是否係行使緊急防衛權。出於正當防衛。抑或踰越範圍。防衛過當。及應否賠償損失。因中日條約關係。本公堂無權受理。被告胡佩亮等及死者家屬。倘認廠中日人之行爲不合法。可搜集證據。至日領事署起訴。若有不明起訴手續。亦可請求行政官廳扶助進行。本公堂未便越權處理。本公堂現應者研究。即捕房起訴被告等損壞廠中機器等件。觸犯新刑律四百零六條第一款之罪。又於西捕印捕執行職務時。強暴脅迫。犯新刑律第一百五十三條之罪。又聚衆滋擾。強暴脅迫。不受解散命令。觸犯新刑律第一百六十四條。查捕房方面證人四十七號西捕及日人清水。均不能認定肇事時被告等在場。四十一號西捕則供稱僅一次見王明左在場演說。其演說之言詞不能明瞭。其餘各被告均未見在場。僅三百五十八號印捕供稱。當肇事時本案各被告均在場。且均欲毆擊日人。而徐書林王明左萬開元等亦皆執有武器。且鳴警笛。召集工人演說。喉令放火。焚燬廠房。然一經詰問。又謂不能確實指明。按捕房方面既別無他項證據證明被告等犯罪情形。本公堂自應根據各被告等陳述之供辭。分別裁判。以免偏頗。據被告徐書林王明左萬開元等三人供稱。供職日本內外棉第五東廠肇事時。並未在場。因恐第五東廠工人與他廠工人連合滋事。受日本工頭津田囑託。向第五東廠工人演說勸告。致被誤拘。捕房方面既無反證證明此項供詞之虛僞。本公堂自應認爲確實可信。被告徐書林王明左萬開元三人宣告無罪。即行開釋。被告王

小龍丁阿三周老三高阿二胡佩亮等。或供係第五廠工人。或供係同興紗廠工人。或供因日工完畢。路經肇事地點。致被傷擊。誤遭拘捕。或供進廠時。即被擊傷。誤被拘捕。或供途中見親友受傷。護送至本公堂。轉送至醫院。致被拘捕。查以上各被告。雖供詞不一。然均有辯護理由。本公堂均認爲犯罪證據不充分。一律註銷開釋。至徐阿炳周阿大伍阿四王福金四被告。均係第七廠夜工工人。且均供稱進廠。其起釁原因。由於索取半數工資。本公堂認被告等索取工資時。未能採取和平方法。殊屬錯誤。惟當時人數衆多。首魁究係何人。不能證明。此四被告既均承認在場。除損毀物件及妨害公務罪註銷外。應照新刑律第一百六十四條第三項處斷。各罰洋四十元。無力各押滿四十天。

▲內外紗廠工潮磋商解決。日本政友本黨。因調查滬案等。新派衆議院柏田忠一於十六日乘船來滬。曾訪晤許交涉員。表示日政府對於此次日廠鎗殺顧正鴻事件。殊爲抱歉。現願將日廠罷工風潮先行了結。並願致相當之撫卹金。而上海日僑亦多投函責問內外棉紗廠。主張道歉。撫卹。同時並向中外人士。表明因此惹起騷擾。無任遺憾之意。以爲此案早決早利。否則禍變之來。未可預計。日人觀念誠能如是。未始不是覺悟。我國方面。當十三條件交涉着手之初。即有謝永森王一等從事調停。工人要求條件有(一)京

懲兇(二)賠師
債(三)承認
工會(四)無
故不得開除
工人(五)增
加工銀百分
深 朱



深 朱



鄂督蕭耀南

之二(六)嗣

後日人入廠。

不得攜帶武

器(七)罷工

期內工銀一

律照付(八)

工銀賞銀一

律照大洋算

廠主方面對二四八三項可以照辦。(一)項懲兇亦可有相當辦理。(七)項工銀或由廠主付給若干成。最難者則為三五兩項。但工人方面對(三)項極堅持。對(五)項則表示如日人能明白聲明此次五卅慘案英捕開鎗為非人道的。即可減以百分之一。五或百分之一。調解者一再疏通。終無結果。迨交涉停頓後。日本政府方面亦以紗廠事項應即速另行解決。我國方面亦覺對方不一。應付較難。遂又復進行調解之事。昨日下午二時。總工會委員長李立三。又在總商會與謝永森等洽商解決方法。聞雙方意思較前接近。此項問題。或即有解決之希望云。

漢粵件事之交涉

▲漢口慘案之交涉 十一日。漢案發生。中央政府十三日開議後。即向英使抗議。詎知英使即於十四日駁復。認為有開槍必要。希望嚴重取締。勿以無根據宣傳。作外交根據。其強硬可以想見。十六日。外部二次照會英使。交涉漢案茲將第一次抗議回文錄下。『為照會事。據漢口報告。六月十一日晚間。英國義勇隊開放機關鎗。擊斃華人九名。傷十一名。並傷中國彈壓巡士兩名各等情。本總長聞之。深為駭異。查上海租界捕房開

鎗傷斃華人一案。經本國政府提出嚴重抗議。照會駐京義國。使轉達貴代理公使在案。乃該案尚未解決之時。漢口又復發生慘禍。如此蔑視人道。情形實屬重大。相應照會貴代理公使。提出最正式之抗議。並聲明保留。俟查明詳細情形後。再提相當之要求。一面並請電飭駐華各處貴國領事及租界官民。不得再有此類情事。是所至要。須至照會者。』漢口方面。胡交涉員鈞始於十三日晨。向英領口頭抗議。至午後始將抗議文送達英領事。茲將抗議原文錄後。(上略)十一日晚。本埠華人因太古工人事件。與外僑發生衝突。而致市面有不靖情形。當經本員與貴領事面商防衛辦法。曾經鄭重聲明。無論如何。貴國水兵及義勇團。萬勿開鎗。致蹈上海公共租界之覆轍。已承貴領事面許決不開鎗。並允至不得已時。亦祇向空發鎗示威。不令實彈傷人。詎才逾數十分鐘。貴領言猶在耳。竟至突開機關鎗射擊羣衆。以致死傷華人多名。縱令徒手羣衆。或有手持木棍及拋擲瓦石者。何不以相當手段制止。而必用機關鎗為過當之處置。貴領事及發令放鎗者。自應擔負此事全責。除保留抗議理由。俟調查此事確實情形。呈報敝國政府及本省長官繼續交涉外。為此提出抗議。亟盼貴國軍隊。勿得再有開鎗情事。統希查照見覆。』英領覆文。十六日送交交涉署。首述肇事情形。及開鎗理由。中述僅用來福鎗及機關鎗直射。故祇死八人。否則須死二百人以上。尚是槍下留情。末言發令放鎗者係英軍艦長。乃受各國海軍公推司令。不能單獨負責。交涉署旋於十九日提二次抗議。略謂貴國兵團僅布防於二道街。使與華界毗連之一道街。幾無人照料之區。致釀此重案。貴領事失於防範。所致憾者。一為合羣衆。空鎗可驚散。乃以機鎗射擊無抵抗力羣衆。人道甯忍出此。貴領事臨事失於審慎。所致憾者。二。末謂肇禍既在租界。發令又為貴國軍艦

長。自應由貴領事與艦長負其責任云云。不知英領又將如何強詞奪理以答覆也。至日人方面。肇事時死者僅水谷邦次一名。其餘中坂末男等七名。俱屬輕微傷。無關重要。英租界內被毀之日商店。損失亦不甚重。乃駐漢日領事林久治郎。已提兩次抗議。(一)謂日僑傷害。應由中國負責。(二)于責任外。請取締排日運動。交涉署一次覆謂。肇禍在英界。當然由英負責。二次覆謂。貴僑住在英界。受英保護。敵國軍警無越界保護權。能則貴僑傷害。責任誰屬。不辨自明。至排日運動。經官勸諭。消釋無餘。深望貴國人民了解親善必要。自不至有排日反動發生。按當晚事變時。英兵布防二道街新昌里。日商店急電日領事報告。日副領事比往英領事署。請展防線至一道街。英領事未許。日副領事又轉請英軍司令。亦不願。似欲以日僑為犧牲。使華人負暴動責任。故日僑事後對英領事既不满意。交涉署覆日領事。亦謂責由英負也。

當漢案交涉聲中。蕭耀南一味媚外。連日以共產赤化誣人。大興黨獄。蕭英既被鎗斃。復株累多人。教職員李漢俊。王仲友。褚應宗等。在緝捕中。許鴻已被捕。聞二十日又鎗斃一人。漢案交涉。交署轉不宜布。消息沉寂。各界亦絕口不敢談。北京學生八十餘人到漢。宣傳救國運動。均被軍警勒令回籍。二十一日。旅京鄂人開大會討論驅蕭。一致對外。蕭之出此。誠不知是何居心也。漢口地方治安。以華兵環護租界。已可無慮。故駐漢各國艦長。二十一日午後會議。決定租界防備縮小。僅留少數水兵巡防。其餘軍事設備均即撤除。法租界當日完全撤防。英日租界亦定夏節解除戒備。此蕭耀南嚴禁羣衆運動之所以博得外人同情也。

▲九江租界之近況。漢案發生。英日二領事初持強硬態度。近奉該政府復電。態度均稍和緩。惟如何處置。尚須聽憑各該政府主持。至租界

交通經高道尹向英領事切實交涉。以關警入租界布崗位。為撤退英日陸戰隊之交換條件。但租界二十二日恢復交通後。陸戰隊仍未全撤。英留二十餘名。梭巡守衛。日亦留十餘名守衛領署。華警關入租界。保衛僑商一案。因條件未協。華警僅把守柵門口嚴防云。

▲廣州事件。廣州各界十七日開會議決捐款援滬。並於二十三日大遊行。是日午省農工學界約萬人以上。集東校場。示威巡行。出惠愛永漢路。沿長堤向西而行。二時許至沙基西橋口。與沙面英法兵起衝突。互以鎗擊。二十分鐘。華人死傷百廿人。法商巴吉其中彈斃命。稅務司受傷。三十五日粵省長致文英總領事。略謂今日游行隊將過沙基街時。英租界之軍警突以機關槍及來福槍。在對岸向人羣射擊。法租界軍警亦開槍。港內葡砲船且發大砲。致死傷華人百餘。此種野蠻之屠殺。乃出預先秘密商定。省長得詳報後。異常震驚。責當提出嚴重抗議。並聲明此案完全責任應由英法租界文武官吏及英法葡軍警與有關係之砲船負之云云。英總領事於二十四日覆稱。葡砲船並未參與。此不幸之案。回擊對岸華兵或陸軍學生者。乃英法租界之防軍。文內又謂華人首先開槍。英海軍長官及否認預先秘謀。且謂預先計謀者。實為華兵或陸軍學生云云。惟英總領事曾於二十二日函達廣州外交部長伍朝樞。大旨謂頃從可信為可恃方面得悉。學界於明日舉行愛國游行時。擬攻擊通入沙面之橋。以達其為國犧牲之願。聞抽籤決定首先為國犧牲者為何團體。聞廣州大學已抽得此籤。上說當然或為想像之詞。但若果屬確實。而竟實現。則余謹向為廣州政府担任外交之閣下莊嚴警告。廣州政府曰。凡穿行沙面英租界之任何舉動。定遭武力之抵抗。所有後果。由廣州政府個人及全體政府負其責。由此觀察。設非並未預先計謀。殊令人未敢深信。截

止二十六日所得消息。領團對干廣州政府復求賠償。堅拒不允。雙方戒備其急。勢將決裂。香港當局派印兵六十赴廣州。美砲艦阿魯拿及日驅逐艦皆奉急令赴廣州保護僑民。廣州日僑三百。現皆避難洋艦。他國僑民六百。皆逃避至港云。

▲全國各界之援助

▲北京 滬案發生。響應援助最早者。當推北京。大概不外實行經濟絕交。聲請嚴重交涉。惟北大教職員呈請派兵收回滬漢英租界。訓令朱兆莘。要求政府召回英使及撤回駐華英艦。而十六日午。京各後援會又舉代表入府請願。(一)與英日斷絕邦交。(二)派兵保護長江各埠人民。(三)對英宣戰。吳光新答。已派張學良帶兵赴滬。並聲明以和平手段對付。至絕交與開戰有聯帶關係。先決問題為軍實與科學。政府希望諸君精究科學。全國毀家抒難。俟有把握。予願効死報國云云。十九日午。朱深鹿鐘麟又在公園邀農工商學代表八十餘人。開茶話會。答覆請願各事。謂政府以尚有交涉餘地。目下未便斷絕國交。衆建議救濟工人。以工代賑。又請罷免蔡廷幹曾宗鑒。以王寵惠伍朝樞等辦外交。並請下令制止內亂。調全國軍隊。準備宣戰。二十日沈瑞麟等答覆學生。亦以絕交現尙未至時機為言。聞外部已組外交委員會。內定聘孫寶琦。顧惠卿。汪大燮。黃郛。王正廷。梁啟超。林長民。汪榮寶。許世英等為委員。為永久機關。將來或由此委員會決定交涉之方針。而委員長則非孫寶琦即汪大燮。現方徵求同意。又聞北京各界決定二十五日總示威。全城罷業罷工。晨七時遊行示威。排除赴府部請願。回公園開追悼會。此項提議已得各地贊同。勢必同時舉行。故內務部二十二日通令各省軍警。保護二十五日總示威。如遊行隊無軌外行動。可不予干涉云。

▲津事 天津領事團向奉張求保護。張命楊毓珣帶憲兵入英日租界。維持秩序。兩領署前均駐憲兵一連。並覆領團。如他國欲免租界不安。可援例照辦。津埠各界雖力助滬案。而迄無中外衝突之舉。未始非奉張鎮壓之力。至於奉天。則學生界即有舉動。亦以處於軍警戒嚴勢力之下。不致有激烈之表示也。

▲粵港 香港總工會。因滬議無結果。召集各工團會議。二十一日總罷工。海員工會接省總工會命。內外河及外洋輪一致罷工。省港華輪照常維持交通。二十一日大罷工即開始。外商輪船海員一律離船。電車工人漢文排字工人。各西酒店寫字。西廚。麵包侍役。均一律離職。九龍西人宅男女僕役。亦一致行動。二十二日太古船廠及製糖局罷工。九龍貨倉。二十三日一致罷工。風潮逐漸擴展。港民爭購糧食。華人紛提存款回省。二十三日各華銀行一律停市。沙面華人二十一日已盡離境。西人紛紛赴港。與華人之返省者。適成一反比例。香港總督宣佈戒嚴。港總工會函港政府。要求集會言論出版自由。中西人同等待遇。定例局華人有選舉權等六條。廣州英領哲美遜。報告渠與伍朝樞氏之談話。謂伍以為此次罷工乃對於滬案表示同情之一種自然發作的愛國行動。當地政府不負此罷工之責。亦不能違反民意而阻其罷工。但決不致傷害外人生命財產。伍氏誠可謂答覆得體也。

▲武漢 湖北學界外交後援會。十七日電政府。提出六點。請併入滬案嚴重交涉。(一)懲凶。(二)賠償。(三)英艦以後永不許停泊漢口江面。(四)撤回漢口英領。(五)英政府謝罪。(六)收回漢口英租界。同日午後督署召集各界會議。決組湖北滬漢案救濟會。推蕭耀南為正理事長。陳嘉謨為副理事長。二十三日開成立會。總商會十九日午後開大會。討論

滬案。決暫不罷市。實行經濟援助。募款救濟罷工工人。額定之五萬元。由各幫自由捐助。各界準備二十五日參加全國援助滬漢案示威大運動。二十六日舉行對滬案聯合大遊行。二十七日大演講。

▲其他各地。滬案援助。徧於全國。茲篇不遑續舉。總之無地不有表示。無人不覺憤慨。當局苟能善用此種民氣。未始不可佔外交之勝利。國人苟能長久保持此種愛國熱度。則英日何足畏哉。

▲奉軍到後之上海

▲張學良調兵到滬。五卅事件既起。孫傳芳首有通電表示憤慨。嗣後張作霖率率直諸將領。馮玉祥率西北諸將領。電請嚴重交涉。有枕戈待旦。爲外交後盾。肝腦塗地。亦所不辭等語。張復命其子學良率教導隊二千餘人。十日晚離津南下。十二晨到滬。派兵分駐華洋交界處。以示保護居民。張學良復調姜登選部即前宣撫軍第二路第五團全部三千人。又鎮威軍第十一梯團。一併來滬。十九日起陸續開到。分駐南北市及浦東華界。而與租界毗連處尤屬注意防範云。

▲華界宣布戒嚴。二十二日。張學良離滬北上。同日華界由蘇省長鄭謙宣布戒嚴。委姜部旅長邢士廉爲淞滬戒嚴總司令。警廳長常之英爲副司令。其宣佈戒嚴之理由。謂交涉停頓。各界激於一時熱忱。其恪守範圍者固多。而意氣激昂。舉動越分者。亦在所不免。加以上海五方雜處。人類不齊。無業遊民。亦難保不藉此機緣。假託愛國。陰行擾亂。爲保全地方安甯秩序起見。不得不加意嚴防。鄭氏已於二十三日晚赴甯。臨行前曾語人云。戒嚴並非壓迫市民。然則用意果安在乎。

▲孫傳芳亦有調兵說。孫傳芳派兵來滬駐防一節。喧傳已久。而滬南龍華等處。至今並無浙兵開到。日前警界傳出消息。浙孫自滬案發生後。對於滬杭路之交通。甚爲注意。現以張學良離滬。滬南防務尤關緊要。決定派兵若干駐防松滬一帶。二十三日曾派金副官長。在滬杭車站附近。選覓屯兵房屋。然則孫軍亦將繼奉軍之後。而駐防上海矣。

▲英國方面之主張

▲下議院中之辯論。英國下議院工黨議員康有關於滬案之質問。外部員之答覆。往往不得要領。十八日。外相張伯倫答覆工黨議員特萊夫良氏之質問。洋洋大文。盡屬枝葉。其關涉滬案者。僅謂英政府將保護在華英人之生命財產。凡加於英人或英人產業之各種損害。英政府將使中政府負責。不能示弱或猶豫。又謂但工廠狀況無論如何惡劣。而吾人雖極願見其修改。要不能爲暴衆勢將殺人高呼殺死外國人者。擁往儲有大宗軍械的捕房之理由。據現得之消息觀之。捕房直至處於危地。而所儲軍械將不可保時。始下令開鎗。如當時情形果屬如是。則會開鎗之令正所以避免流血。而非釀成流血。余願立即聲明。英政府及有關係他國政府在此事中。皆知在上海行事者乃一國際團體。並知被等行事具有知識。較此時此地吾人所有者爲多。而處於責任情形下。此種責任又非此地吾人所能免除之。吾人宜如自己所求見信於人者。信其主張溫和與人道。及有和平解決此事之願望云云。其蓄有偏見而不甘認錯之態度。溢於言表。尤可怪者。關稅會議與滬案。固截然兩事也。而英人

談滬案者。每併爲一談。張伯倫之所言。更令人不解。各國對於關稅。皆有自主之權。惟中國則爲條約所限。坐受其困。華府會議後。方謂關稅會議可以即開。而各國每多要挾。今英國又以此與滬案並論。豈亦視此爲大惠。以爲有挾而求。無所不可。中國對於滬案固當先行屈服。以待將來各國宰割之關稅會議乎。

▲外交部之訓令 據交民巷消息。英使館接倫敦外部訓電。滬案調查有兩問題。(一)英捕對羣衆警告及下令開槍相距之時間。(二)公共租界當局事前如何處置學生遊行演講。對華交涉。須先將兩點澈底調查明確。俾作根據。又朱兆莘來電。報告英外部東方股長來訪。謂華人爲滬案提議與英絕交。但英決不欲與中國開戰。所提條件。有不關滬案者。未便即行討論。容以後從長計議。此回英國在華損失甚鉅。不願再趨破裂等語。又工黨領袖前首相麥克唐納爾。自由黨領袖前首相喬治。均在議會宣言。中國已趨進步。英人不可再行高壓。喪失未來感情。可見英外部亦或漸有轉圜意思也。

▲工商界之意見 英工黨對英政府壓迫滬事。反對愈烈。並已通電世界各勞工分部。組織反抗機關。反對壓迫。礦工領袖。電包爾溫總理。反抗利用英軍幫助廠主。壓迫華工。倫敦自由報。載稱此次上海運動。乃中國勞工反抗外國資本家侵略之表示。又工黨總部發通知各分部。一致主張如下。(一)英國道德上無權佔據中國土地。(二)英國運售軍火入華。釀成亂源。應禁絕。(三)要求英政府修改條約。令華人自理國事。英商會聯合會亦已將決議案一條送交首相。請政府儘速與其他有關係國布置開一系列強與中國各省代表問之會議。以期對華成立永久而美滿之解決。特不知英政府是否容納此項建議耳。



津浦路局副局長王學庸爲援助滬工經濟鬻書募款四尺宣紙一張(無論屏聯條橫)定價肆元多一尺加一元每日以五張爲限得款由下列各收件處隨時送交天津總商會轉匯上海以滬工恢復職業之日爲止

收件處

松鶴齋 天津大胡同
翰墨齋 天津估衣街
芳古齋 天津鍋店街
淳善閣 河北新大路連陞棧





英人目中之對華領事裁判權

受百譯

今年四月二十九日英國駐華裁判官索馬累氏(Haviland de Sausmarez)在英國倫敦大學演講領事裁判權及其在中國行之狀況。彼謂大戰後有不少事業及機關以前安然存在者至是多爲人所懷疑而發生問題。英國在外國之領事裁判權即其一也。彼謂此於英國之國外貿易至關重要。於英國對華貿易尤甚。並謂其商務之發展全賴有此權爲其保障。故無裁撤之可能。其言甚肆。願國人鑑之。

所謂領事裁判權或治外法權者。乃本國人在他國不從所在國之法律。仍受本國法支配之權利也。此權究起源於何時。已難稽考。惟知其由來已久。因其於商務方面有重要關係。故迄今尚有存在之必要。最初設立領事裁判法庭者。其宗旨係欲管理僑居沿海地中海之各國商人。地中海爲近代商業發源之地。故與商業有密切關係之領事裁判權。亦發源於此。威尼斯(Venice)共和國於九百九十六年。即在埃及獲得治外法權。於一十二五年。復與耶路撒冷(Jerusalem)之教長訂約。若威尼斯商人在其境內與其人民發生訴訟情事。概由其本國法庭審判。此與今日之領事裁判權。頗相彷彿也。

後歐西各國日漸強盛。商務日益發展。此種領事裁判權。遂愈趨堅定。初此權之許與。原出於雙方之善意。在許與者可避免種種糾紛。在被許與者可得相當之保護。但自十六世紀末。英國維多利亞皇后秉政。英人於地中海之東。設立利凡得公司。遂漸利用此權以壓迫弱小之國。如土耳其等。許與者方面雖多怨恨。而無法擺脫。自是名雖仍其舊。而性質已與前不同。所謂東印度公司者。亦約於此時產生。在印度之英商。於一六六

一年起。概受英國法律之保護。此種領事裁判制度。逐漸發展。最後乃擴張至波斯暹羅及中國。

英人最初至中國經商。在一六三七年。其經商地點爲廣州。五十年後。東印度公司於該城創設一工廠。該公司在該埠。關於英國商務。享專利權者約一世紀有半。此後鴉片戰爭爆發。此戰之直接起因。雖爲林則徐之焚燬鴉片。而實則由於歷年來中國人民對於英商之不滿意而起。在英人以其爲東印度公司在廣州之所爲。與彼在印度所爲者。正復相類。故華人無干涉之必要。戰後訂立江甯和約。開沿海五口通商。通商時期。自此開始。英人遂設立領事。當十九世紀之末。爲英人施行領事裁判權最盛之時。此後逐漸衰落。如在日本朝鮮暹羅及土耳其之裁判權皆取消。在非洲所行施者。自該洲分割後。此權亦無行施之必要。但於少數國家。仍未取消。中國即一例也。

綜觀世界各國。其治外法權之擴展。無有如英國之甚者。此蓋因英國之國外貿易最盛也。今試述英國在華所設領事法庭。對於英國或其他國訴訟者之關係。吾人須知外人不能在中國各地。自由經商。所有華洋間

之商務。祇限於少數以維持開關之通商口岸。現中國計有此等商埠三十五處。其在商務上所佔之地位。輕重相差甚大。各埠皆設有英領事。兼理民刑裁判事件。凡英國人民在中國境內。若有違法情事發生。可於領事法庭內審理。實際上外人除教士外。鮮有違離商埠。深入中國內地者。故能稱違法情事。頗為罕見。凡罪犯之可處以監禁三個月或三個月以內之懲罰者。領事法庭皆有裁判權。關於民事案件。其罰款在五百磅以下者。亦有權裁判。

英國駐華之最高法院。在商務中心之上海。其裁判權並無限制。該法庭之裁判官。可赴各省內之領事法庭。審理任何案件。各省領事法庭內有何疑難案件。須具有專門法律智識之裁判官審理者。該裁判官即可代審。綜言之。英國人民在中國完全受其本國法律之保護。如此可免去不少糾紛。此實出於中國人之寬宏。英人應表相當之謝忱。凡英人之居留中國者。每人每年須在領事館註冊一次。此於註冊者既可得一重保障。且可防止不法之遊民。躋入境內。各領事法庭對於人民之危及治安或現有重罪者。有驅逐出境之權。俾可維持社會上之秩序。現英國商務之盛。甲于全球。英語已成爲國際貿易內所用之言語。故國籍不同之商人。其相互間所訂之合同。皆受英國法律之支配也。

今試略述英人在中國經商者所處之地位。在最近八年間。中英間商務之發展。與英國及別國間商務之發展。相似。英人與華人之關係。已今非昔比。以前少數外商之行動。被監視甚嚴。而今則除在內戰時外。歐洲人士大都可掣其眷屬。由各商英自由赴其隣近內地遊歷也。

中英間之商務關係。自第一次鴉片戰爭後。益趨密切。該次戰爭實起於中國人士自大之心。及其壓迫國外商務所致。結果遂開五口通商。並

規定領事裁判權。吾人（英人自稱）不可以爲此種權利。乃戰後產生之新事物。當戰前實久已存在。惟至此乃益從而擴張之耳。以觀中國人士若稱英人強以此制度加之中國。則於此點不可忘懷。自五口通商後。中國反抗外國商務之意。並未消滅。但此種反抗。實際上並無多大勢力。當一八三七年。英國對華之進口貨價額爲九十萬磅。至一八四五年。即增至二百四十萬磅。於此即可證之。當洪楊之亂時。英國商務曾有一度之低落。於第二次鴉片戰爭以前。貿易額祇增至三百萬磅。此戰告終後。訂天津和約。復開關五商埠。進口貨額即立增加一百五十萬磅。中英間雖屢有戰爭。而華人對英之貿易。並無嫌惡之意。轉似因戰爭而將商務上之困難掃除。輸入中國貨物之數量及種類。皆較前增多也。於一九二三年。英國進口貨之價額。已增至約近一千九百萬磅。去年則尙無確切之統計。但據各方情形觀察。雖該國年內時局不靖。而商務仍有相當之增進也。

現居留中國之英商及其眷屬。大都集中於劃出之租界內。租界實爲英人商務方面活動之根據地。彼等在租界內多自設警備衛生及娛樂事宜。上海有一租界。係各國公共管理。所居留之外人甚多。但大多數仍爲中國人士。彼等應集於租界。其宗旨大半爲經商。但亦有因在外人保護之下。生命財產較爲安全。以租界爲安樂窩。因而聚眷寄居者。中國各通商口岸。以上海及天津在商務上占最重要地位。但其餘各埠。於英國商務亦皆有相當之利益。所有貿易。多假道於此等商埠。其中有五分之一。係經由上海者。該處之關稅收入。於一九二四年。約達四百五十萬磅。去年雖中國內戰極盛。上海左近騷擾尤甚。但上海之歲入。於該年仍增加六十六萬八千磅。由此吾人可得二種論斷。（一）中國與定約

各國間之商務。並無減少之趨勢。(二)商埠確為容納存積及交易貨物之地。或謂凡此於領事裁判權。又有何關係耶。當答之曰。若英國在中國無此種權利。則必不能安然擁有各商埠。結果英國人民所享之利益。將不能存在。其偉大之商務。將受中國法庭之節制。其生命財產。將託庇於中國政府所定之法律。如此則中英間之商務。將受打擊至何程度。實難揣測。吾人自歷史上觀察。可知領事裁判權之所以存在。由於中外人士皆願彼此通商。此種經商事業。中國人士若不能加以相當之保護。惟有使外人自行保護。否則商業即不能存在也。

今所欲問者。即英國在中國之商務。若無條約之保護。能安然發展如今日之狀況乎。若吾人自信無須受條約保護。則即不應堅持欲自設法庭。及別種法律方面之利益。觀於吾人之堅欲享有領事裁判權等。即可知所訂條約。於商務發展之重要。英國商務在中國為西方各國對華商務之最偉大者。此於英人至關重要。於中國亦至有利益。其他各國因其經商範圍之窄小。或其他原因。間有自甘放棄其在中國所可享之權利者。英國則情形與之不同。無步其後塵之必要。且此種權利。享受者若能持公正之態度。對許予者常懷感謝之意。則亦不至有何等流弊。惟中國人士。易起激動。此點實應加以考慮者。若其激動由於少數無政治智識好事者之挑撥。則結果惟使商務受損。於中國亦無利益。否則若由於愛國熱忱。則英人自當表示同情。因如此則可使其國內之政治狀況改進。各國之商人在有秩序之國家內經營商務。其發展亦較易也。

今觀中外人士。莫不望中英間商務之發展。欲達此目的。則舍規定領事裁判權外。別無他法。當中英間尚未訂立條約時。英商多為各省當局及易激動之民衆所管轄。其生命及財產。有朝不保夕之勢。若中國人士

對於已訂之條約。欲加以修改。則須先將此種情形改善。且須規定一種辦法。俾英商及其所經營之事業。有絕對安全之担保。按今日英國對華之商務。非特無衰頹之象。且有與日俱進之勢。此蓋由於經商者自知有英國法律之保護。方能有此結果。試問自一八四〇年以來。中國之情形。有何改進乎。除其人民。對於歐美貨物之需要。已無限的增高外。別無何種進步也。彼等與外人交易。已漸相習。見外人之居留其國內。亦漸不以為異。總之仇外之思想。已漸蠲滅。但一方面亦正未可樂觀。其漸進之少年。極易促成一種情勢。使吾人感受自江寧和約訂定以來所未有之困難。以前至少有一北京中央政府。可統治各省。外人有何剝削。可向之交涉。而今情勢已變。各省幾已全為軍閥所把持。此輩頗多輕視法律。其兵士多兵餉不足。與盜匪相近。對於外人之租界。觀其財貨之充裕。無不有竊奪一擄之思。其不法行動。不至實現者。惟賴有外國之兵力耳。最近江浙戰爭時。上海之潰兵。約萬餘人。若其時租界無條約之保護。無兵力為後盾。則不遭其劫掠者幾希矣。

中國若無一強有力之政府。確能負責代表全國者。則修改條約問題。無發生之可能。即政治情形。果已改進。果能將此問題提出。則領事裁判權。仍無取消之可能。外人之生命財產及其商務之振興。仍有賴於此權。為其保障。中國有數千年之文化。自有其相傳之法律。固無可疑。但此種法律。於現代社會生活。其效用恐與百年前之英國法律相伯仲。聞中國現有擬定商業律之議。此中詳情。一時尚未明瞭。今姑假定此律。於目今之商業情形相切合。試問中國法庭。果能行施此律乎。再決其行施時。不能有良好的成績。因中國無有訓練有經驗之法律專門人才。足以施行此種法律。足以辦理國外貿易方面所發生之糾紛。蓋製作法律為一事。而如何行施之。又為一事也。



英國歷來對華政策

張季信

中英之糾葛。始於道光初年。其時歐洲列強知我國之頑固腐敗。思有以乘之。惟以龐然大物。瘠牛有負豚之威。逡巡而莫敢下手。迨中英戰爭後。盡揭我國無力自衛之底蘊。列強咸知中國不足畏。於是挾其商業之政策。與其戰爭之利器而來。碩大之中國。遂日在鷹瞰虎視之下矣。

英國自恃海軍之威。實行其商業侵掠政策。自英據有東印度以後。遂於道光初年。遂侵我緬甸沿海等地。緬不能堪。與英戰而敗。割緬之南部以和。至一八四二年（即道光二十二年）英人違背人道主義。強行鴉片貿易。當時清廷鑒於鴉片之流毒。禁止輸入。會林則徐為兩廣總督。奉旨為欽差大臣。查辦廣東港口事宜。林處事查斷。恨英人之不法。下令限英商於七十二小時內。將鴉片盡數交出。英使葉利我妥從之。林先殺業鴉片之華商。於英商行門首以示儆。復要求英使承認永不販賣鴉片。英使拒之。並以鑲活之手段。要求英政府與我開戰。是役也。英海軍提督伯利麻率海軍一萬五千人。軍艦二十八艘。大炮百數十尊。沿海道而攻舟山。直達上海。於是水陸並進。江南提督陳某誓死力戰。以不支而亡。上海遂陷。於是英人以上海為根據地。更沿長江上駛。江陰鎮江相繼失守。長江各省大震。上書文宗。請與英議和。七月二十四日。清派耆英伊里布與英代表大臣濮鼎英在南京訂議和條約。其內容分四條。

（一）清國政府賠償鴉片損失。并賠償軍費二千百萬兩。但先出六百萬兩。其餘每年交付。英軍受六百萬兩。退去上海南京。其餘各地所留之

軍隊。俟總數收清後。出。

（二）清國政府割讓香港於英國。

（三）清國政府開福州、廈門、甯波、上海、廣州五港為通商場。且此等地方。

許英國設立商館。英商之家族可自由往來。

（四）英清兩國彼此行對等之禮。不可稱英人為蠻夷人。

英人既據香港。於一八四三年六月二十六日與我訂香港條約。依照稅則規定稅章。規定釐捐。同年七月英人要求訂立五口通商條約。於是英人之足跡遍於上海、廣州、福州、廈門、甯波矣。又同年十月八日。英人復追加通商條約。并附通商條約十三款。一八四六年四月六日。中英訂條約於薄克底格里。展緩外人入廣州。而英則先撤舟山之軍隊。次年六日中英復訂條約。英要求我國於兩年之內開廣州灣為通商口岸。並同時要求以河南一帶闢為商場。建立教堂於各通商大埠。實行其商業與宗教侵掠政策。此約訂定後。英更養精蓄銳待時而動。後十年。國家無事。英人亦無隙可乘。至一八五八年六月二十六日（即咸豐八年五月十六日）英法聯軍入北京。清廷不得已與之訂條約於天津。指定公使及領使上。海裁判權。許信教自由。開商埠。並條訂關稅航運禁令。禁止用夷字。同年十一月八日。中英訂商約於上海。規定通商條款。進出口貨稅則及禁令。貨物通行稅。中外衡度表。我國進口貨稅之不平。等與海關權之墮落。實英人致之也。

一八六〇年十月二十四日中英訂和約於北京。議定許英建公使館於北京。開天津爲商埠。一八六五年十月二十七日英人以稅關事條租上海。訂和約於北京。次年五月五日英人知華工便宜與清訂雇用華工章程。得寸進尺。至一八六九年十月二十三日復要求我國增補商業及航海條件。並開闢商港。由是海關權益爲削奪。

一八七六年英之翻譯往緬甸行經雲南被匪架戕。英政府出兵來攻。清廷懼於九月十三日與英訂烟台條約。開宜昌、蕪湖、溫州、北海爲通商埠。除添放商港價恤兩國間之官員外。並要求於上海設會審公廨。夫外人之有上海領事裁判權。於道光二十二年江甯條約開其端。於咸豐八年繼其議。而光緒二年烟台條約擴張其範圍。今日上海租界之會審公廨。即依據烟台條約之洋涇浜約官章程所由來也。嗣後各國互相把持。至民國成立。華官爲外人所奪。主客易位。外人恃其強暴。常思侵越華界。華人防範其行爲。外人視租界爲己有。於是咫尺之間。儼同國界。上海一區。分成數國。殊不知租界原以住居貿易爲限。非承認外人有土地權也。演成今日之局面。英人具能辭作俑之罪乎。

一八八〇年十二月十日英人提出關於領事官員對督撫間之公私交際及商務事宜。交涉而益厚其領事之實權。一八八五年十月十八日英與我國公使訂條約於倫敦。訂烟台條約十款。增加烟台協約及輸入鴉片課稅事。一八八六年英據全緬甸而有之。清廷抗議。告以緬甸爲中國之屬國。並有十年一貢事爲證。英人曰。此乃餽贈禮物耳。無所謂屬國也。交涉良久。竟不得要領。次年六月總署始與英人歐格納訂緬甸條約于北京。自是緬甸遂爲英人有矣。英人既據緬甸。銳意圖藏。探險與挑釁者屢入藏境。藏人惡之甚。一八八八年（即光緒十四年）英人先啓釁。藏

兵與之戰。不幸敗北。英人遂入藏。於十八年六月准英人開亞東爲商埠。是爲大吉嶺條約。並與英訂藏印通商條約九款。游牧三款。共十二款。後又續訂

緬甸條約十八款。開梧州、三水、江根、墟、報騰、越爲商埠。初則法



英首相包爾溫

使施阿蘭挾還遼之功。要求以猛烏島得士轄境劃歸法有。清廷許之。英使歐格納提起抗議。謂此係緬甸之屬地。既劃歸法。則須劃滇緬西邊境以爲償。遂訂滇緬界約於北京。訂滇緬界約九款。開蠻允爲商埠。並於同年九月六日向清廷提出聯接中緬電線事宜。英既自私自利。以謀我復嫉他人之割我。從中破壞之。破壞之不已。要求割他部以償之。痛哉中國。任人宰割。世界有強權而無公理。自古皆然。於今爲烈。

一八九七年二月四日英人欲攫長江之航權。更嫉他人之先登。於是向清廷提出警告。謂中國永不得將揚子江流域割讓他人。似乎吾人宜感英人之代我保留長江也。其實其志仍在自利。時英人既警告清廷矣。於是肆行其獨斷獨行之手段。租要口設碼頭。而長江航權遂爲英人獨據。一九九八年英人再要求許英人擴張香港租界。租借九龍。東自大鵬灣。西至深水灣。期九十九年。於是香港遂成爲英人一片完全殖民地矣。苟

吾人今日欲赴廣州或雲南等處必先至英之香港殊可恥也。同年七月一日英人以防俄故租我威海衛以爲軍艦之根據地。至一九〇一年拳匪入京。混合游勇土匪戕日使書記德駐京公使。焚教堂。殺教士。攻租界。各國舉兵來攻。清廷不得已。遂宣戰。義勇團助戰。屢敗北。各國聯軍入北京。西太后清德宗出奔西安。派員議和。是役也。英人所得之權利。除償款外。并劃東交民巷爲使館區。與英訂通商行船條約十六款。開長沙。安慶。惠州。江門。爲商埠。次年與英訂協約於上海。從新改訂進口稅率。值百抽五。於是洋船品之輸入益多。英人欲於中國內地築立工廠與清廷訂馬凱條約。許英商得在內地租賃棧房及碼頭。於是窮鄉僻壤。遂亦爲英人足跡所經。

一九〇三年英人窺藏甚急。乘隙挑釁。舉兵入藏。達賴喇嘛率兵抗英。英兵敗之。喇嘛逃。與英訂條約。嗣後不承認任何國人入藏。並不承認藏爲我國轄境。蓋英視藏爲其保護國矣。越年清廷派唐紹儀赴印議約。英只允中國爲藏之上國。不承認爲有主權。商久之。英態度頗強硬。唐遂歸。與英使薩道義定藏印條約於北京。迨於今日藏事。幾非吾所能過問。

英外相張伯倫



一九〇四年英人欲於南非洲新屬殖民地開礦。援一八六六雇用華工成例。與我訂保工章程。華工可前往開礦。我國得派領事前往照料。其他條件尙屬適當。惟其中之一條謂凡英之屬地某處需用華工。

當由英國先來照會。然後方可前往。所謂照會云者。即華工前往必得英人之許可也。嗣後英反唱白澳洲主義。而華工遂受其排斥。

一九〇五年英商鑒於黃浦淤塞。航行不便。與清廷訂修濬黃浦河道條約於北京。並同時侵犯上海華官權置設部審官。激動全埠罷市。一九〇七年與英訂藏印通商條約廢止山西福中公司礦約。償銀二百萬兩。次年復訂藏印通商條約。開江孜。噶爾克爲商埠。一九一一年五月八日英政府鑒於我政府運售鴉片之抗議。與我訂禁煙條約。其實鴉片是已停止輸入。至今仍爲疑問。同年五月與我互換荷蘭領地殖民地條約。至一九一三年英欲開墾北波羅洲荒地。來華招北省農戶前往。中國得派員前往照料。後工人仍被遣散。

一九一五年英要求開浦口爲商埠。握我津浦與滬甯間之運輸權。一九二〇年英欲實行制服我僑民之政策。於新加坡頒布華商註冊條例。並於英屬南洋各島頒行學校註冊條例。華僑商業教育。咸受其厄。會歐戰告終。華盛頓會議開始。於開第二次遠東委員會時。我國顧公使提出收回租界事。并說明收回理由。爲英日二國所反對。同時顧使又提出收回威海衛事。緣威海衛於一八九八年租借於英。至民國十二年已滿足足二十五年之約期。當時英國代表聲明交還然仍以相當條件爲交還代價。民國十一年四月二十六日我國政府特派梁如浩督辦接受威海衛事宜。同年九月設接受威海衛委員會。以梁爲委員長。英政府亦派員商酌此事。英委員提案。

(一)以威海衛海岸及劉公島之土地建築物及公有財產無償交還中國。

(二)以威海衛全部歸中國管理。

(三)劉公島內諸地運動場及碇泊所酌量借爲英國海軍之用。其期爲十年。

商量經年尙無效果。

一九二五年五月三十日上海學生爲反對碼頭捐印刷附律及爲日紗廠慘殺華工顧正紅事。舉行游行講演。被英捕槍殺市民數十人。負傷近百。釀成全國罷市罷工罷課。六月十一日漢口英兵亦殺華人八名。傷十七人。其後受傷者復死二名。

再述此痛史。竟不禁全身戰慄。爲吾四萬萬同胞危。英人對華之政策。始則爲販賣最毒之鴉片。繼則以兵力奪我要害。割我邊境。攫我海權。再則索租土地。以經營商業。以建立工廠。國人所受影響。實非淺鮮。凡列強對我不平等之設施。證諸往事。幾無一非英始作其俑。然後他國據例以要求。去今五十九年前。中國太平軍參謀英人令利。嘗引某記者之言曰。英國之外交政策。足以破壞世界最善之保安者。不一而足。又英國之行動。足以使文明國憤怒而半開國恐怖者。亦不一而足。且蔑視歐洲人之國際法及條例。而於亞洲之海上或陸上恣行掠奪。而數年之間。所設立之凶暴惡制。地球上永留英國對於弱國之痕跡。又自爲言曰。英國之武裝干涉。由來久矣。如尼柔蘭。西班牙。土耳其。阿富汗等國之事件。如與中國三回之戰爭。此種旬。波斯。日本之戰爭。如對於亞森提。希臘。暹羅。巴西之強行之表示。吾人實驚歎英國之違背國際法。其義何其不落人後也。其屢屢以強力所施手段。平心而論。決不能云無罪。利氏之言。實誅心之論。茲特錄於此。以代余評判英國對華政策之論斷焉。

註 英人令利太平軍一參謀也。伊在華有年。目擊英人對華政策。甚爲不滿。於一八六六在倫敦作評論一篇。附於揚子江日記。於英人

行爲。頗有所指摘。



樊山近作

□浣溪紗

斟酌春寒泥酒杯。
芳期向後屢推排。
鶯枝開罷海棠開。
桑苧茶盟從冷落。
玫瑰花事任徘徊。
紅雲冉冉後邊來。

一九二五。六十五。金陵。





最近之日本政黨與內閣

駐日記者 壽潛

回顧過去數年間。日本政界更迭。已非止一次。政黨勢力消長。亦可於此覘之。日本政黨。以政友憲政二會為最占勢力。次則為革新俱樂部。中正俱樂部。現在改革中三派已合併。自僉以下。殆不足數。政黨方面。欲獲得一種政權。故遇組織內閣時。必出其死力。以奔走各方。最後則強有力者。佔優勝地位。故由政界中心人物。即可知各政黨勢力之盛衰。當大正十二年時。九月內閣總理加藤（友三郎）作古。全體閣員總辭職。山本內閣（權兵衛伯爵）起而代之。先是加藤病篤。耗傳於外。政友憲政兩黨策士。各通款於元老方面。作暗中活躍。一方向政府作猛烈延命運動。殆呈百鬼夜行之醜態。無如加藤驟然病殂。皇室循例諮詢元老。當時元老為松方及西園寺公。為收拾時局之計。當時苟稍假以時日。則中原逐鹿。未知鹿死誰手。乃一旦迫急之際。元老方面。取急轉直下主義。使人迅雷不及掩耳。推薦山本（伯爵）組閣。政友憲政及其他各派。亦不得不為之啞然。迨詔書既下。山本氏乃於築地水交社。設組閣事務所。自高橋政友加藤憲政兩總裁以下。如後藤新平子爵。田健治郎男爵。田中義一大將。犬養毅等。及貴族院研究會之黑田青木兩子爵。均迭次與議。為直接入閣之交涉。推山本之意。蓋欲各方巨頭組織所謂「舉國一致內閣」。

其實此種政見。早為世人所齒冷。以其時代錯誤故也。組閣之結果。新內閣人物。并不能收舉國一致之實。且後藤子爵田中男意見不相容。時或更有其他關係。不免發生衝突。山本亦無法制止。政友會以高橋被拒入閣之嫌。此時見有機可乘。乃漸帶反對黨的色彩。研究會亦是是非非。態度不明。唯憲政會餘情未斷。故作最後秋波。總之絕非內閣之利。加以內外事情。諸多棘手。震災善後事宜。亦非碌碌者所能勝任。故山本內閣前途。遂日趨困難之境。山本內閣時。為第四十七議會（召集期大正十一年十二月十日）適值政友會以「改革非改革題」大起內訌。政府方面。頗抱樂觀。以為復興預算。不難借此通過。孰知政友會用意周到。對於復興預算。仍大為削減。卒至政府不得不隱忍相從。遂成政友會最高幹部之名。邇後第四十八議會。行開院式時。忽發生虎之門不敬事件。（即攝政太子赴議會行開會式。經過虎之門。有刺客之手鎗擊之。未被擊傷。僅破汽車玻璃窗一塊。刺客即時被捕。）山本內閣。直接負有責任。引咎自退。計在職僅四閱月。從此土崩瓦解。清浦（奎吾）內閣。於以出現。清浦子爵。於十年前。曾一次受命組織內閣。徒以實力不足。未得產生。至

今猶留「蟻香內閣」之名（日本以蟻爲一種美味故名）矧近來政局既日異月新。一般世論者。直謂清浦無復出山之望。不謂清浦夙願未償。偏欲一試其技。自拜組閣命令。一切實權。委之於研究會幹部。自甘爲傀儡。故其結果。不期而成政友黨改革新三派之聯攜。維時「憲政擁護」一打破特權內閣」之聲。幾揚溢乎全國。政府除貴族院外。無可恃者。政友會復分裂。政友本黨雖以援助政府爲標榜。然三派聯合。究占多數。議會形勢。在未開會前。其內容早已暴露。當此混亂之際。第四十八議會（召集期大正十三年一月）以最短時間（開會期自一月二十三日至二十九日）本無充分猶豫。加以攝政太子大婚典禮。不便從事政爭。致招物議。政局賴以平穩。不意至休會期滿。復行開議時。忽有暴漢三人排闥而入。搗毀議會秩序。紊亂議場。計宣告休會。護憲三派。方於休憩中。從事計劃。與政府作戰。忽爾解散令下。其理由（即衆議院三派。日來不獨宣言倒閣。即今日情事。更爲阻害國務進行。當不能認其以誠意議論國政」云云。此（詔書由小橋書記官捧至首相代說理由）從。議會閉幕。同時依憲法第四十四條。命貴族院亦停命。即此以論。暴漢闖入議會。本非議會之罪。而政府即據此謂議場已不堪整理。終使議會解散。不知根據何等法理。要之政黨勢力。終不敵內閣特權。此則最大原因耳。

雖然。自清浦內閣成立後。一般國民眼光。已引起深切之注意。況日本貴族院橫暴。由來已久。民深惡痛絕。亦匪意朝朝文。故一片「打破特權內閣」之聲。如狂潮怒發。勢不可遏。即久未實現之「憲政擁護運動」。亦乘機活躍（大正二年即有憲政擁護運動。至今未能實現）政黨三派。特開護憲大會。高橋政友總裁加藤憲政總裁及犬養革新俱樂部首領。同時

出席。結果得三派提攜。克奉全功。後值總選舉時。三黨首領分赴各地演講。說明打破特權內閣之理由。并改革貴族院之所以。適於愛知宮崎兩縣下。發生列車顛覆事件（三黨首領赴大阪護憲大會歸京時夜行列車於木曾川附近線路上。並列枕木企圖列車顛覆輿論方面疑爲政府所爲。故政界空氣日益險惡）清浦內閣之壽命。亦從此告終。

清浦內閣既倒。遂由護憲三派組織一新內閣。是爲加藤（高明）內閣（約在十四年六月間）蓋自山本內閣以後。政界已頗混亂。茲得三派後援。使加藤組閣。成立以來。漸就安定。此雖政黨勢力。然仍借人民實力爲後盾。人民之攻擊特權內閣。倡議改革貴族院。再接再厲。宜其收相當效果。高橋政友總裁。同時入閣。不惜辭議員（勅選）讓子爵。而於加藤子之下降身爲一平大臣（時爲農商務大臣）雖爲其忠於黨務。然亦可見一般心理。漸趨於平民化矣。三派所成立之內閣。其中心人物。端推橫田氏（司法大臣）所借入閣時。日尙淺。即行病沒。一時頓呈逆轉。退後之變化。且貴族院陰謀之勢力。仍不稍衰。如護憲意氣之銷磨。三派協調之緩弛。皆此之故。田中男爵繼高橋之後爲總裁。可見軍閥及舊勢力。尙團結甚堅。無可諱言。近頃擬犬養氏（遞信大臣）隱退報告之同一機會。歡迎清浦內閣時之藏相勝田氏入黨。政黨籌於特權政治家。無戰意之表示。殆已昭然而若揭。凡百改革。欲排去許多障礙。必經若干年月。決非一時所克奏效。他句具論。即如貴族院改革問題。在明治三十年。已有動機（由伊藤博文創議）至今徒托空談。尙未實現。其原因可於想像得之。加藤內閣成立。迄今已及一載。並無若何成績。而貴族院改革問題。仍爲懸案（加藤任第四十九議會演說。謂關於貴族院之改善問題。適當世既已議及。院內并不反對政府鑒於憲政制定之趣旨。酌量時代之要求。宜

慎重考慮有以善處之。不過普通問題。由三派協力。得底於成。一般人之心理。對於現內閣。并不滿意。政治家疲於政爭。似不願猛烈作戰。但國民抱改革之望。鼓新銳之氣。羣起奮鬥。或可促短現內閣之壽命。唯今次政革中三派。既已合同。就樞府方面觀測。多數因此結果。或保持暫時政局。不至有何變動。緣除議會以外。能使內閣動搖者。則惟在內部自潰。今則憲政會既不願動搖內閣。胥視政友會之態度如何。而政友會亦頗自重。不至禍起蕭牆。就此以言。不至五十一議會終了後。三派協調態度。不

至生有變化。目下尙可安心。加藤自身。雖不十分健康。然開員時時聽其靜養。大約在五十一議會期內。總可穩渡。俟適當時機。潔身引退。爲其最後結果。至此將變幻如何。尙非吾人所能臆測。其後繼人物。必不屬廢材。對黨意者最後加藤作自發的辭職時。或荐賢自代。繼任人物。一般人之目光。將屬之於田中總裁。果爾則政友會之勢力。仍可繼續保持。故加藤內閣之壽命。苟延殘喘。不難保至來年。政局諒亦無大變動。信乎否乎。請徐俟之以觀其後。


京奉鐵路取銷前發各機

關長期免票廣告

爲通告事本路遵奉鎮威上將軍訓令爲保持營業收入起見停發各機關長期免票除已通函查照外所有本路前發各機關及個人之長期免票自本年七月一日起一律無效如仍有誤持乘車者卽由查票員照章另收票價並將原票扣收繳銷特此通告

金城銀行

總分行 辦事處地點
天津 北京 上海
漢口 鄭州
通匯地點 國內外各都會
商埠均有代理機關
股本 總額壹千萬
收足陸百萬元
公積共計 壹百叁拾萬元
辦理銀行一切業務
兼收各種儲蓄存款



國內外一週間大事紀

(由六月十八日至二十四日)

公展

(一) 國外之部

▲保安公約。德國向協約國提議締結保安公約。為日已久。今法國已得比國之同意。十六日由駐德法大使將覆文送交德外長矣。法國覆文。歡迎德國所採之步驟。但謂現不可不先知德國對於若干問題之意見。因此種問題先須有一種協議。俾為將來談判之根據。如德國加入國際聯盟會。則此協議方可成立。欲謀保安。不能牽涉和約之任何修改。覆文又言及與來因河有關係國間之公約。謂來文未列入比國。要知比國必須顯然在有關係國之內。至於締結公斷條約。担保法律上與政治上衝突之和平解決一層。則法德間公斷條約應適用於各種爭端。除將特別規定者外。不留強迫行為之餘地。而在比德間此約亦屬必要。此種條約之遵守。以參加來因地公約之各國担保之。庶有一方面不允將爭端提交公斷。或不遵行公制而用武力時。各國之担保即可見諸實施。覆文又聲明法國歡迎美國之合作。又稱法政府甚望接德國覆文。可使談判早開。以成立新而有效力之和平保證云云。英相包爾溫十八日在下院稱。二十四日討論外部預算案時。可辯論保安公約。意政府答覆法國請求同意之文。請希望最後可締結五強國公約。但現擬之公約。如何可成鎮定歐洲之穩固基礎。今尚未悉。故在公約條文中未切實說明何種具體辦法可因此約而發生及意國在保安自己利益上處何地位時。意政府

保留其決議。至於國務院德國官場現未表示意見。似認法國覆文為滿意。惟外長史特萊斯曼博士聞對於德國必須先加入國際聯盟會而後公約方可實施一層。不甚贊同。按此約實施之先決主要條件。為德國加入國際聯盟會。然則德國是否先加入聯盟。今後將成為一可注意之問題矣。

▲法國政潮

法國在摩洛哥對里孚人用兵。迄今未息。里孚人領袖阿

德外長史特萊斯曼



白爾克林氏。已公然表示其意見。如攻勢勝利。渠將號召全斐回教徒。與法人為難。法總理班樂衛由摩洛哥歸後。向法總統及閣員詳述其此行之經過情形。及其所決定縮減戰事時間與危險之計劃。並稱法西兩國

之合作現已開始。依據臨時合同。兩國軍艦將看守摩洛哥全部海岸線。惟法國急進派及急進社會黨議員。已漸反對班樂衛對付摩洛哥之政策。故法國現政府有不久將被推翻之象。急進社會黨十七日開理事會。通過一議案。主張仍進行左翼諸黨之政策。前總理赫理歐機關報加以批評。謂左翼對於政府之擁護。必難持久。十九日衆議院以五二五票對

三二票。從政府之請。將共產黨所提關於摩洛哥事之彈劾政府案無期展緩。國會黨皆投政府票。社會黨原擬在下星期內提出彈劾案。共產黨為逼起社會黨與政府間之爭鬥起見。故先提議彈劾。其所根據者。為倫敦來電。據謂摩洛哥里夫領袖阿白杜爾克林氏已託英意兩國轉向法西兩電提出和議。投票時。共產黨高呼『殺人兇犯』詭語。人內閣會議時。已討論共產黨之宣傳事。並決定處置共產黨軍人一部之政策。因共產黨現逐日與阿白杜爾克林通函。勸其反抗。並謂法國多數人反對摩洛哥戰事之繼。

新任院長



吳炳湘

洛哥戰事之繼。續包。比國。內閣。比國因政黨爭執致內。

閣不能成立。迄今幾及三月。比皇為解決政潮起見。十五日召天主教黨社會黨與自由黨之領袖。集議辦法。並勸彼等注重於組織穩固政府之需要。而勿堅持黨派之意見。十七日天主教黨領袖波勃爾子爵已組成政府。以社會黨領袖樊德威長外交。自由黨凱斯敦為國防大臣。蓋取混合主義也。

▲印度領袖。印度自主運動首領阿魯達司於十六日逝世。此消息係如其來。出人意外。其症候係心臟陷落。印度報紙皆悼達斯之驟然逝世。並稱述其近年來指導革命運動入於正軌之努力云。

▲軍械大會。十七日。日內瓦軍械大會閉幕。出席者四十五國。而簽字公約者僅十八國。各大國皆簽約。簽字於戰時禁用化學品與微菌之議定書者。除十八國外。尚有九國云。

(二)國內之部

▲中央財政。財政困難。以節開而更甚。五月份鹽餘。十日發放。共五百餘萬。除扣債外。餘三百餘萬。節開財政。約需七百五十萬。擬定五月份鹽餘三百五十萬。又預借六月份鹽餘半個月。約一百五十萬。四洮路借款展期簽約。財部可提一百六十萬。尚不敷九十萬。以雜稅及銀行臨時墊款充之。另一說。節開財政。收入項下。五月份鹽餘二百萬。華比鹽餘借款一百六十萬。預借本月份鹽餘二十天一百萬。共四百六十萬。支配為軍警餉七成。教育經費六成。各機關五成。各省協餉六成。李思浩不到部。亦不見客。張訓欽聲明負責至端午節止。聞李思浩又商章爾登撥發鹽餘公債一萬六千萬。整理一切鹽餘擔保證券。利息六釐。二十年還清。每年抽簽還本八百萬。因近年鹽餘每月平均三百五十萬。即以每月一百五十萬為新庫券基金。二百萬為政費基金。所有九六債一四庫券兌換流通支付等券。一律收回。易以新庫券。新庫券由章爾敦擔保。每月積存鹽餘百五十萬為本息。半年付利。按票面百分之三。合常年六釐。章爾敦與約本係明年滿期。今以明令交章保管基金。章甚贊成云。

▲國民會議。二十三日開議。通過國民代表會議議員選舉程序令。即日公布。段擬通電。促國民會議早開。為國家治本大法嚴密監督。打破前之運動包辦等弊。段言以雙十節為約。逾期不成。本人當即下野云。

▲天津會議。張作霖入關後。本擬在津會議後。即入京面商要公。適滬案發生。因而停頓。但張氏雖定二十一日回奉。而及期未行。留津以待盧。

永祥並召張學良北返。盧業於廿四日離甯北上共商要政。皖長王揖唐三次辭職。十八日閣議已准。以吳炳湘長皖。在鄭士琦未到任前。暫兼督辦。卽晚下令。吳炳湘已赴津請張示矣。

▲吳佩孚近狀。馮玉祥前派員函賁赴岳州。請吳佩孚釋嫌。一致對外。吳覆函謂到岳後。一心休養。不問時事。滬漢兩案。外人慘殺同胞。聞之髮指。願以國民資格。與諸同志合力救國。又連日赴岳州者。有岳維峻代表王爲蔚。孫岳代表邊玉。聞吳不滿孫。待過冷淡。此外尚有洪兆麟。劉冠雄。張福來。閻治堂。楊清臣。婁雲鶴等。可見吳氏尙有其潛勢力也。

▲潮汕讓防。潮汕方面。許崇智以回戈倒演桂軍之故。與陳炯明派和議。許以潮梅讓洪兆麟林虎。以干涉汕頭民黨爲條件。已由許氏佈告實行。許氏十七日偕林本民返省。十九日已抵廣州。許離汕後。委張國楨爲汕頭粵軍總司令部行營主任。張十八日就職。謝文炳當率二千人入汕。李雲復由大埔入潮城。林虎前隊由焦嶺向興甯五華前進。均仍揭粵軍旗幟。洪兆麟部二十日抵潮安。原駐許軍楊錦隆部退揭陽。洪派員到汕。恢復粵軍副總指揮部。委胡午澄爲財政局長。汕各機關許軍舊人均已離汕。葉舉部之陳修爵練演雄已抵饒平。是潮汕又入陳炯明系之手矣。



學林雜誌(第十一期出版)

敝雜誌本期篇幅增加(一百足頁)內容豐富不及詳載謹將要目揭登如左

- 第三派之政治哲學方法論.....伯露
- 青年政治運動.....吳統續
- 中國政治變化之根本觀.....費覺天
- 鄭洪年氏之政談.....文波筆記
- 理論經濟學大綱.....高元
- 近代心理學的潮流.....王季年
- 東方文化與現在中國及世界之關係.....羅正緝
- 蘇俄最近之經濟狀況.....胡詠高
- 何謂天干地支.....吳昆吾
- 實業革命概說.....山宗譯

附 啓

茲爲酬答愛讀敝雜誌諸公起見每冊仍售四角學生八折總售處——關才胡同四八四號本社分售處——琉璃廠直隸書局中華書局及各大學校號房各省大書坊

此次滬案發生全國人士同深憤慨所有該案發生之原因及經過情形並對代英日之方法敝社正在竭力搜求蒙倘海內賢達以該項材料投寄者極所歡迎



曲諧 (三十)

一一北

羣玉一書。爲元人所選無疑。全登小令。而不及一套。如此成書。自元以來。曾無兩本焉。書分五卷。而詞僅二十二家。其中錢子雲。高敬臣。曹明善。張子堅。王日華。陳德和。丘士元。七家。則爲此書所獨載。他選本絕不見也。茲約略叙之。

錢子雲名霖。松江人。棄俗爲黃冠。更名抱素。號素菴。多游名公卿間。善詩與曲。有集曰醉邊餘興。當時行於世。又類當時諸公所作。曰江湖清思集。見錄鬼簿與輟耕錄。按徐再思蟾宮曲。有錢子雲赴都一首。兩人應同時也。醉邊餘興。今日既不得見。羣玉卷三所載素菴令。惜亦僅清江引四首而已。鬼簿謂醉邊餘興詞語極工巧。按之四首。尙未能見。如末一首云。「恩情已隨執扇歇。攢到愁時節。梧桐一葉秋砧杵。千家月多的是幾聲兒簷外鐵。」不過雅馴而已。

若輟耕錄所載素菴哨遍套曲。則以巉刻勝。又非工巧二字所能該也。輟耕略曰。某人以善經濟。積貲至鉅萬計。而既鄙且吝。其尊行錢素菴。逸士也。某嘗以富貴驕之。故作今樂府一闕以譏。雖曰爲某而作。亦可爲世勸云云。其寫財奴之聚斂也。哨遍有句曰。「忍包羞。油鐺插手。血海舒拳。肯落他人後。曉夜尋思。機設緣情。鉤鉅巧取旁搜。」已極傲祿求多之致。而九煞曰。「有心待拜五侯。教人喚甚半州。忍飢寒。攢得家私厚。待壘做錢山兒。倩軍士喝號提鈴守。怕化做錢龍兒。請法官行罡布氣。留半炊兒八

遍把牙關叩。只願得無支有。管少出多收。」則尤曲盡錢癖心事。其寫物聚必散。盛極而衰也。四煞有曰。「有一日大小運併在命宮死。囚限纏在卯酉甚的散得疾。祇爲你聚得來驟。」三煞有曰。「富桶每都颺颺的飛。椅桌每都出出的走。」說得直爾可驚可駭。而文字亦並覺飛走矣。

高敬臣錄鬼簿中無此名。鬼簿但有高克禮字敬德。號秋泉。見任縣尹。小曲樂府極爲工巧。人所不及云云。余檢元詩選癸集有曰。高克禮字敬臣。河間人。蔭官至慶元禮官。治政以清淨爲務。不爲苛刻。以簡淡自處。工古今樂府。有名於時云云。二者所紀。雖不盡一致。而所指同爲一人。則可斷言也。羣玉五卷。以敬臣之四令爲殿。鍾氏所謂工巧。於敬臣斯得其當矣。雁兒落帶過得勝會之次首曰。「尋致爭不致爭。既言定先言定。論至誠俺至誠。你薄倖誰薄倖。豈不聞三尺有神明。忘義多應當罪名。海神廟見有他爲證。似王魁負桂英。磻可海誓山盟。繡帶裏難逃命。裙刀上更自刑活取了。你箇年少書生。」一起四句。咄咄逼人。已足褫書生之膽。以下條明例簡。而又刑械森嚴。斧鉞之威。要不過是也。文人游戲。而瑣屑人情如此。非元曲殆難得矣。觀於下文黃鶯帶慶元貞二首。乃亦信然。「燕燕別無甚孝順。哥哥行在意殷勤。三納子。藤箱兒。問肯便待要。帳羅幃。就親說得我驚。急列繡房門。他措支刺扯住我。皂羅裙。我軟兀刺好話兒。倒溫存。一來怕夫人情性。限二來怕誤妾百年身。」別無好處。

祇生動委婉。便不可及。以前舉殘元本陽春白雪中。無名氏諸首紅繡鞋。較此。則生動有之。委婉不及也。又詠天寶遺事曰。「又不曾看生。見長便。這般割肚牽腸。喚妳妳。醉子裏。賜賞。撮醋。孩兒。恁弄璋。斷送得他。瀟瀟。鞍馬。出咸陽。只因他。重重恩愛。在昭陽。引惹得。紛紛戈戟。鬧漁陽。哎。三郎。睡海棠。都只爲。一曲舞霓裳。」用意惟三陽韻顯。餘皆需尋味焉。於是通首頗得蘊藉之趣。又鬼簿工巧之詞。於三陽韻。似爲尤著。

曹明善以賦長門柳二曲。刺伯顏著名。其事與詞。俱載堯山堂外紀。鬼簿謂其官衢州路吏。而外紀稱以山東憲使。羣玉卷一所載。除長門柳清江引二首外。另有十六首。鬼簿本評爲華麗自然。不在小山之下。茲可舉喜春來和任則明二首以證之。「春雲巧似山翁帽。古柳橫爲獨木橋。風微塵軟。落紅飄。沙岸好。草色上裙腰。」春來。南國花如繡。雨過西湖水似油。小瀛洲外。小紅樓。人病酒。料應下簾鉤。」

張子堅履貫未詳。張小山有張子堅運判席上清江引三首。即其人也。羣玉卷三載子堅德勝令一首。無足道。

五日華名。曄杭州人。鬼簿云。體豐肥而善滑稽。能詞章樂府。臨風對月之際。所製工巧。有與朱士凱題雙漸小卿問答。人多稱賞。又紀其所作雜劇三種曰。臥龍岡。雙賣花。破陰陽八卦桃花女。按所謂題雙漸小青問答。余始不知其體裁。以爲必雜劇一流。久在元劇亡佚之數。不可復見。及覩羣玉卷二。則所謂問答體者。赫然在也。顧羣玉乃專登小令之書。通卷不但不及劇套。且不及散套。然後知此一體問答。應歸小令範圍內也。常人於散曲劇曲之分。每以演故事與否爲衡。以爲一演故事。便非散曲。余自見小令中重頭一體。有摘翠百詠小春秋。以百闕小桃紅。演全部西廂故事。後已知前說之所以分劇曲散曲者殊非。今復見此問答一體。乃益信散

曲中有紀動者。如小春秋。有紀言者。如此問答體。既然言動兼紀。則散曲之亦演故事。亦已彰明較著。不待多辨。曲中散劇之分。必不在演故事與否矣。余於是定散曲體裁。分演故事與不演故事兩類。而演故事一類中。又有同調重頭。與異調間列兩種。即一指小春秋。而一指此問答體也。曷曰異調間列。蓋此體前後。大概爲一問一答相間。必問多用天香引調。答多用凌波仙調。調既異。而又相間排列。故對同調重頭一種言。遂曰異調間列也。

羣玉於王日華樂府一條下注曰。南齋錢塘。是又知王氏之號。爲南齋也。但並無明文。謂此所題問答。爲王朱兩氏之合作。斯與鬼簿所紀。略爲不符也。羣玉又於首調慶東原下注曰。風日所舉問汝陽記。自黃肇退狀至議擬。凡計一十六首云云。按所謂汝陽記者。必爲一雜劇名。即演雙漸小青故事者。王氏就此劇中情節。擷取諸人言詞。以一十六首小令。櫟括之。故曰題雙漸小書問答也。余檢古今紀元劇書。都不得汝陽記一名。是可以補諸書之遺矣。所謂退狀。恐即原告之起訴。議擬猶判決。舉問則舉發審問耳。





家庭醫學常識

余愚

(五) 肌肉風濕痛

▲原因 此症與關節風濕痛同一原因。中於關節。則發關節痛。中於肌肉。則發肌肉痛。在本症。每發於僧帽筋。三角筋。胸鎖乳頭筋。胸筋。肋間筋。腰筋等。

▲症候 急性症。肌肉突然作痛。如裂如穿。壓之更覺疼痛。轉動時尤甚。稍起腫脹。即腱肌膜。亦有牽引作痛者。本症初起。先發腫痛。終則變為肥大。或萎縮。其餘症候。亦與關節風濕痛大致相似。經過三四日。或一星期。而就治。在慢性症。不如急性之烈。每經過數星期之久。而緩緩就治。然即使治愈。亦往往於陰雨大風之前。而發痠痛。

▲治法 本病治法。與關節風濕痛同。宜用溫罨法。或巴布。或行按摩法。亦頗有益。至內服外搽各方。均詳載關節風條痛條下。宜參看之。

▲附錄中國醫方 本症在我國東南。濱海

卑濕之區。每易發見。若為鄉僻內地。購置西藥。殊非易易。為國粹驗方。亦有不啻唾棄者。茲特錄其有效者。以便謀自醫者應用焉。(一)羌活勝濕湯。羌活獨活防風藥本蔓荊子川芎各一錢。甘草五分。生姜三片。食後煎服。取微汗。如頭不痛。去蔓荊子。換蒼朮。寒濕。腰以下重者。加附子。防己。濕重。腰沉沉然。加黃柏一錢。蒼朮二錢。(二)當歸拈痛湯。羌活一錢。炙甘草一錢。酒炒黃芩。酒炒茵陳。苦參。葛根。蒼朮各二錢。當歸身四錢。澤瀉。豬苓。防風。酒炒知母各二錢。白朮一錢。五右方不拘時服。(三)養血湯。當歸生地牛夕肉桂杜仲。破故紙。茯苓。防風。川芎各一錢。甘草八分。核桃兩枚。山萸二錢。土茯苓八錢。煎成。加酒兩杯。沖服。(四)先用馬齒莧二斤。(乾者生者均可)五茄皮八兩。茅山蒼朮四兩。共舂碎。煎湯洗之。洗後。急用葱頭五

錢。生姜一兩。搗爛。沖開水兩碗。服下。避風。睡臥。取汗。立時止痛。





貴重的功課

柴霍夫著
怡廬譯

有學問的人不懂得外國語言是一樁極不方便的事情。倭羅託夫從大學畢業出來得有學士的學位。從事一種科學工作的时候。便深刻的發生出這種感想來了。

『這實在可怕——他喘吁着說（不要看他才二十六歲。身體非常肥胖。沉重並且氣喘）——這實在可怕。我不懂得外國語言。就像沒有翅膀的鳥兒一樣。簡直的不能工作了。』所以他決定無論如何要克制自己天賦的惰性去研究法文和德文。於是便尋覓教師。

在一冬日的正午。倭羅託夫坐在自己的書房裏工作的时候。僕人進內裏道。外邊有一位女士求見。

『請。』倭羅託夫說。

於是往書房裏進來一位青年的。時髦豔裝的女士。伊自稱為法文教師阿麗薩昂克特。並且說是他的一個朋友。令伊向倭羅託夫來的。

『爽快之極。請坐吧。』倭羅託夫喘吁着說。正且用手掌遮掩着汗衫的領子。（爲是呼吸便利些。他永遠是穿着汗衫工作）——比得謝爾埃維赤令你到我這裏來的吧。是的：我曾請求過他：非常歡迎。』

在同昂克特女士叙談之際。他羞怯的帶着一種好奇的神情不住的去望她。這是一位純粹的極優秀的法國女人。還是很年青的。據伊的澹白而疲倦的面龐。短而蜷的頭髮和特殊的細腰而論。可以說她至多不過

十八歲。若是看她寬闊的發育很好的兩肩。美麗的脊背。嚴肅的雙睛。倭羅託夫想伊一定至少也要二十三歲。並且還許是二十五歲哩。但是以後又顯出伊只是十八歲的樣子。伊的面容是冷淡的。有事務的。却像到這裏來談論金錢問題的人一樣。伊一次也沒有顰笑。也沒有蹙眉。伊只是在曉得請伊教授的不是孩子們。但是一個成年的肥壯的少年的時候。在伊的面上現出一番驚愕的神氣來。

『那末。阿麗薩昂克特。』倭羅託夫向伊說。——我們以後上課每日由下午七點至八點吧。至關於你的願望——每一點鐘得一個盧布。那麼我一點也不表示反對。按一個盧布——便按一個盧布吧……』

他並且還問伊要不要飲茶和咖啡。外邊天氣好壞。並且譊然含笑着。用手掌撫平桌上的呢布。溫諷的詢問。伊是何種人。在那裏畢業和依靠什麼生活。

阿麗薩女士帶着冷淡的有事務的神情回答他說。伊在私立學校畢業。並充當家庭女教師。伊的父親新近得痧症死去了。母親還在世以作假花爲生活。午飯前昂克特女士在私立學校裏工作。午飯後直至晚間。來往各宅第裏教授功課。

伊走去了。在身後留下了婦女衣服的輕浮而溫柔的氣味。倭羅託夫以後許久沒有工作。只是坐在桌旁。用兩隻手掌撫平了綠呢布便思索起

來了。

「很爽快的看見這種自己去掙塊麵包吃的女子——他想到——但是就別一方面看起來很不爽快的看見這種窘貧對於像阿麗薩女士如此優秀的美麗的女郎全不加以憐惜。便是伊也應要和生存去奮鬥。不幸……」

他是永遠沒有見過有品德的法國女人。所以他也以為這位服裝艷麗的阿麗薩女士。有發育很好的兩肩和窈窕的細腰。大概除去授課以外。還作些別的營生哩。

在第二天晚間鐘上剛剛的六點五十五分。阿麗薩女士凍的粉紅色走了進來。把攜帶的初學讀本打開。便簡捷的說道：

法文文法有二十六個字母。第一個字母是A。第二個是B：

「對不起——倭羅託夫含笑着打斷伊的說話——女士。我預先要向你說。你對於我的教授法應當略微的變更一下。因為我精通俄文。拉丁文和希臘文：曾研究過比較言語學。所以我以為我們可以不用初學讀本。直接的誦讀名人著作。」

他又向法國女士解釋。成年人們怎樣研究外國語言。

「我的一個朋友——他說道——願意研究外國語言。他把法文的。德文的。和拉丁文的聖經放在面前。互相參觀着誦讀。並且極細密的把每個字去分析。這樣學習。他沒有一年的工夫便達到自己的目的了。我們也這樣的作吧。我們把名人的著作拿來誦讀。」

法國女士驚愕的看了他一番。可見倭羅託夫的見解伊以為是很愚拙而無益的。若是這種奇異的見解出自童子輩。伊一定要氣憤喊嚷。但是因為這裏是一個成年人。並且很肥壯的。對於他不能喊嚷。所以伊只是

輕輕的縮了肩頭說道。

「隨你的便吧。」

倭羅託夫在自己的書櫃裏翻弄了許久。尋出一本破壞的法文書來。

「這可以用麼？」他詢問。

「都一樣。」

「那末我們起首讀吧。求主降福。我們從題目讀起 Memoires……」

「迴憶。」昂克特女士翻譯。

「迴憶。」倭羅託夫重複着說。

他溫謐的含笑着個笨重的呼吸。一刻鐘之久只讀了一個字 Memoires。又這樣許久的工夫讀了一個字。便把阿麗薩女士累的不得了。伊怠慢的答問話。雜亂了。可見伊並不十分明白自己的學生。並且也不勉力聽明白。倭羅託夫一面問她。並是却往伊的頭上去望並且思索。

「伊的蜷髮並非天然的。是伊自己蜷的。奇怪。從清晨工作到夜間。還有餘暇去蜷髮。」

正到八點鐘伊站立起來。爭且乾燥而冷淡的說 Au revoir, Monsieur (再會吧。先生)便由書房裏走出去了。並且在伊的後面仍留下細柔而飄浮的香味。學生仍舊許久沒有工作。坐在桌旁思索。

在以後的幾天。他確信他的女教師是很鄭重的。勤謹的。但是伊非常的沒有學問。並且不善於教授成年人。所以他決定不要枉費光陰。把伊辭却另聘別位教師。至伊第七次來的時候。他從衣袋裏取出個一信封來。內來裝七個盧布。把他捧在手裏含羞帶愧的說道。

「請原諒。阿麗薩。但是應當先向你聲明：實在是出於不得已……」

法國女士看了信封。便猜着了此事。並且在這幾天中伊的面容第一次

顫抖起來。那種冷淡的、有事務的神情隱滅了。伊的臉微微的粉紅了。垂下兩隻眼睛。無神采的用手指頭擺弄自己的細金鍊。倭羅託夫見伊的這種驚慌。便明白盧布在伊的目中如何珍重。伊喪失這種生計如何的難過。

『我應當向你說——他含混着說。越發的驚慌起來。在他的胸前突突的跳動。他趕快的把信封裝入袋裏。並且繼續着說——請原諒我：我和你暫別十分鐘。』

他作出並不願意辭却伊的神氣。只是請求暫別少時。他走到別間屋裏。在那裏坐了十分鐘。以後他回來更是驚慌的樣子。他以為在他短時間走出之後。她必定有一番的解釋。所以他很覺不安。

功課又開始了。倭羅託夫上課沒有一點興趣。他曉得從這種課業裏不能發生何等效果。完全任法國女士的便。都不去詢問也不去分析。伊願意如何。便如何的翻譯。每一次讀十頁。但是他總沒有聽見笨重的呼吸。並且因為無事可作不住的去望伊的美髮。脖頸。嬌嫩的白手。嗅伊的衣服上的香氣……

他心懷不良的意想。他覺得非常的羞愧。或是已竟後悔了。那時。他總覺得愁苦和憂鬱。因為伊對於他那樣的冷淡和嚴肅。和對待學生一樣。不含笑容。確是怕他對於伊有意外的行動。他總是想。如何使伊發生信篤。再與伊的交誼密切些。以後援助她。使伊明白她教授的如何不好。有一次阿麗薩女士穿美麗的粉色的衣服來上課。並且從伊的身上發出那樣的馨香。却像伊被雲彩環繞。好像是只值得一吹。伊便能騰起或是像烟一般的飛散。伊抱歉說道。伊只能讀半句鐘。因為下課以後還要到跳舞會去哩。

他看伊的脖頸和項下赤裸的脊背。他以為是已經明白了。何以法國女人素有輕薄和容易墮落的聲譽。他沉溺在這種馨香美麗和赤裸的雲霧之中。但是伊不曉得他的這些意想。大概一點也沒有注意他。迅速的一篇一篇的讀過。並且連氣譯道。

『他走在街上遇見了自己的朋友。便說道。『你往何處去。看見你這青白的面容。我非常的難過。』

『迴憶』已經讀完了。現在阿麗薩譯的是別的一本書。有一次伊來上課較早一點鐘。抱歉的說到七點鐘伊還要往瑪樂戲院裏去。倭羅託夫在伊走去以後便穿裝起來。也往戲院裏去了。他自己以為他去只是為休憩和娛樂。但是對於阿麗薩的意想一點也沒有。他不能容忍一個端莊的人。預備在學問上進步。極有身分的。拋下自己的工作去到戲院裏。同一個不甚熟識的。不聰敏的。沒有高尚學問的女子去會面……

不過何以在劇幕中間。他的心裏突突的亂跳。他自己也沒有十分覺出。像是小孩子一樣的在廊下奔跑。急躁的尋覓。在劇幕中間完畢的時候。他漸漸的煩悶起來。但是當那時候他看見相識的粉色衣和在網紗底下的美麗的肩膀。因為幸福的感覺。他的心弦緊縮了。他歡喜的含笑。在平生第一次嚐試了嫉妒的感覺。

阿麗薩同兩個醜陋的學生一個軍官同行。伊狂笑。高談在那裏賣弄風流。倭羅託夫從沒以見過伊的樣這神情。可見伊是榮幸的。滿意的。誠實的。溫和的。因為什麼。何故呢。也許是因為這些人和伊親密。同是一類的。並且伊：於是倭羅託夫覺得自己這和些人之間甚是苦樂不均。他向自己的女教師鞠躬。但是伊冷淡的點了首。匆匆的走過去了。伊大概是不願意她的同伴曉得她有學生。並且因為貧窘去授課。

在劇院會面以後。羅託夫明白自己發生戀愛了：在以後上課的時候。他用兩隻眼睛飽餐自己女教師的秀色。他已竟不去克制自己的私慾。完全放任自己的不純潔的意想。但是阿麗薩的面容仍舊是冷淡的。每天晚間止到七點鐘。伊便坦然的說道：『Au revoir, Monsieur』並且他覺得伊待對他是毫不關懷。便是將來也是如此——所以情況絕望了。

有時候在授課中間。他使幻想。希望籌畫計策。在腦筋裏思索如何向伊表示愛情。想起法國女人是輕薄和馴從的。不過若是往女教師的面上去望一望。他的這些意想很可以霎時間消滅。好像是蠟燭在刮風的時候。把他拿到別墅的廊下熄滅了一樣。有一次他喝醉了。朦朧的似在夢裏一般。在下課之後。伊從書房裏走到外廳的時候。他忍不住了去阻住伊的去路。喘吁着。結結巴巴的向伊表示愛情。

『我非常珍重你。我：我對你發生了愛情。你允許我說吧。』阿麗薩顏色青白了。大概是因為驚恐。以為經過此番表示以後。伊便不能再到這裏來。每一點鐘的功課得到一個盧布。伊顯出驚慌的眼睛高聲說道。

『噯呀。這不行。我請你不要說了。不行。』

以後倭羅託夫一夜沒有眠。羞愧的難過。睡罵自己。憤懣的思想。他以為自己的這種表示把女士得罪了。伊以後不再向他這裏來。他決定清晨到住址檢察所探聽伊的寓所。並且給伊寫一封賠罪的信去。但是阿麗薩沒有等寄信去便來了。起首伊也覺得自己很不便。但是以後打開書本照常迅速和活潑的翻譯起來。

『哦。青年的先生。不要在我的園中採擷這些花兒。我還要留贈自己的病女兒。』

伊直來到今天。已經翻譯了四本書籍。但是倭羅託夫除去了Memoires一個字以外。什麼也不曉得。並且問他關於科學工作的時候。他不回答問話。只是搖着手去談論天氣。

(完)

銀行週報廣告

本報創刊於民國六年出版迄今已達九卷編輯門類除每週市況提要每週金融每週滙兌每週證券每週商情雜纂等項外關於經濟財政金融商業銀行業務會計事項等每期均有撰譯論文復於民國十二年每月起每月編印經濟統計一種將關於金融商業等項市價及其他一切統計特印單本俾便檢查本報定價請閱左列本報價目表如蒙預定報費先付此啓

本報郵費	報價目表				附註
	歐日	美日	南洋	香港	
本埠	一分	一分	一分	一分	內國凡以算計
外埠	二分	二分	二分	二分	各埠分
加郵費	五分	五分	五分	五分	另加二分
郵票代	五角	五角	五角	五角	郵費限
錢作	九角	九角	九角	九角	折五
全元	二元	二元	二元	二元	元元元

發售書目		售價
銀行年鑑	會計科目名詞研究	一元五角
公債法	票據法研究(初續編合)	三角
銀行交換所研究	上海金融市場論	二角
經濟統計(每冊)	經濟統計	二角
十二年份經濟統計	十二年份經濟統計	二角
民國鈔券史	中國今日之貨幣問題	五角
代售	會計師制度之調查及研究	一元五角
整理財政	對法賠款之金紙法郎問題	八角
經濟統計	銀行公會聯合會議彙紀	八角
上海金融	海關稅務之整理	共計一元
各省地方公債考略	鈔票之整理	

上海漢口路三號

銀行週報社



病榻日記

凝冰

上星期到醫院裏去探望我的朋友M.C.他正睡得很熟。我不敢去驚動他。便在靠窗的桌子邊坐下。無意中在抽屜裏尋到一本富士紙的簿子。上面記着幾段日記。那字完全是用鉛筆寫的。潦草得很。我細細的讀了一遍。想來一定是從前住在這病房裏的人記的。那人似乎是個有神經病的。當時我便袋了回來。這幾天熱得厲害。一動就是一身大汗。我也落得偷懶。將他那本日記整個兒的抄了出來。就算是這期裏我的工作。至于文中有許多不可解的地方。也祇能隨他去。我却不敢去替他更改。

四月十三日 我覺得那個小胖子的看護婦伊一定愛着我了。不然爲什麼伊要時常來看我呢。我同伊本來又不認識。伊却這麼關心。一會兒用那又香又軟的手在我的額上摸着一會兒又調了藥來給我喝。我看伊一定家裏死了人。不然爲什麼要戴着白帽子穿着白衣服呢。死了父母。倒也不要說他。如果他是死了丈夫。那麼小上坟的戲究竟好看不好看呢。那個狗醫生真不好。拿針就往我身上直戳。他心大概想拿我戳成一個一個眼。出起汗來便

當些。小胖子還對他笑呢。我恨不得跳起了給他兩個耳刮子。

四月十四日 母親來了。縐着眉頭是假的。伊說是愛我。怎麼我的事情伊又不答應呢。母親爲什麼要裏脚。走起路來實在難過。小胖子不裏脚。麗妹妹也不裏脚。鞋面布也不見得省。到那裏去。麗妹妹當然比小胖子好得多了。伊同我吵了架。哭着叫我從此之後不要理伊。不要管伊。伊說你要麼就給你一個吻罷。偷着的有趣。幸虧母親不知道。母親知道了就該替我

想法子。麗妹妹不知道我在這裏住監牢。不然伊一定要來的。舅母要是不讓伊來。伊不會生病嗎。生病之後。也到醫院裏來住。讓伊住在隔壁屋裏。板壁穿個洞。還不容易嗎。我可以看見伊在那裏做什麼。從洞裏叫伊和我說話。伊就是吃雞肫肝。總要塞兩塊給我吃。如果是桃子杏子。小洞裏不好拿。拆了房子也行。小胖子其實一定是個女人。說話的聲音不像男人。麗妹妹纔真是女人咧。男人女人。什麼也不要。反正伊是我的。小胖子沒有分。小胖子不知道出嫁不

上海新粧

(二十)

文農 心冷

△衫 套△



素縑裁成。窄窄稱體。
鈕扣兩行。位在肩側。
御時套着。平整伏貼。
足顯胸腰曲線之美。

上海新粧

(三十)

心瘦削旗衫。質用輕綢。黑白方格。相間。雅靜宜人。鞋。料同衫子。御白襪白手套。髮。烏雲邊。插白牙梳。盆見黑白分明。



旗衫

出嫁。伊要做新娘子我去躲在桌子底下。嚇伊一大跳。

四月二十一日 記不記隨便我。鉛筆的鉛。縮在裏頭不敢出來也沒用。小胖子說汽車送我回去。我真不要坐汽車。兩隻大眼睛。到了晚上就冒火。汽車夫阿金簡直是個強盜。不管人家怕不怕拚命的跑。又沒有火燒他的尾巴。要坐紅汽車。紫了彩。讓麗妹妹坐在裏面。不要人拉。叫幾個人。後面推好了。拜。再拜。三拜。平身。就磕兩個頭也。算不了什麼。下半天睡了一覺。一個蒼蠅。鼻子。上。舐我。實在何苦。有本事。到蒼蠅紙上去翻筋斗。你眼睛大也沒用。反正逃不了。

四月二十三日 母親帶了藕粉給我吃。與其給我吃。不如去給麗妹妹。我見了藕已經怕了。好的東西。長了一個個的窟窿。給胡蜂做窠。母親說我病好些。什麼叫好。好者女子也。子者我也。女者麗妹妹也。我和麗妹妹在一處。那纔好。好好。好好。小胖子。你在那裏看我做什麼。四月二十八日 小胖子的替工實在討厭一

個長身子。簡直是電線杆子。又正吃槍的時候。逃不了。伊的手又黑又大。又粗。嘴又比麗妹妹大。眼睛生得不好看。不如小胖子的那個眼睛。水汪汪的。伊和醫生簡直是串通的。想拿藥來害死我。我也不懂他們安着什麼心。

四月三十日 雨下得真大。其實天聽見了電線杆子也要哭。伊同我說還有一個禮拜可以出去。出去不出也。都不要緊。第一是麗妹妹總要我看了纔行。我知道母親做的鬼。故意將伊送給人家。省得給我看見。我眼睛看不見。心裏看得見。你們將伊只管藏起了。我自然找得出來。母親的心裏不願意。怕我犯罪。其實結婚又不見犯罪。要是犯罪。母親怎麼嫁給父親的呢。五月一日 人家剛睡着。給你們吵醒了。電線杆子告訴我。今天是勞動節。伊說的話。我不信。可惡。提着嗓子。直叫。簡直是造反。勞工神聖。不通。不通。又不通。神是觀音菩薩。聖是孔夫子。觀音菩薩。還同孔夫子抬轎子不成。你們去替我拿麗妹妹。接了來。等我做了官。你們儘管來打官司。我一個錢也不要。

五月二日 我明明聽見外面是麗妹妹的聲音。伊為什麼不進來。進來了。又要出去。還是不出去的好。一點鐘睡覺。做夢。聽見麗妹妹在花園裏。同了一個男人。我恨不得吃了他。拳頭剛伸過去。他回過頭來。一看。原來他就是我。那麼我是誰。

五月四日 小胖子來了。對我笑。伊告訴我什麼。烏師運動。什麼賣國賊。管他媽的。烏師運動。大概是同妓女賽跑。賣國賊真好。會想法子撈錢。纔真是財政家。咧。他們賣了。自己的國。不會再去賣人家的國。嗎。可惜。沒錢。不然我去買他兩個國。來。我做皇帝。麗妹妹做皇后。一個K。一個Q。可是還敵不過A。還得輸錢。五月五日 小胖子坐在床邊上看報。報有什麼看頭。簡直是多事。好好的紙頭。印得墨黑。白紙。都弄髒了。給人家擦屁股。倒不如拿紙去印鈔票。拿鈔票做件衣裳穿。大家都要拍我的馬屁了。就是恐怕遇見強盜。五月七日 鉛筆再也寫不出。不寫了。不寫了。麗

前期勘誤表

題

目頁數行數誤

正

羣衆運動與節制

一 六行 散動 鼓動

一 九行 穩健之爲名穩健之名內

一 十五行 自今以往如自今以往必

宣傳戰與外交戰

二下 八行 包工 罷工

五卅事件之波瀾

一一下 十八行 與西區 新西區

一一下 十八行末西委 (刪去)

曲諧

廿六下 十七行 志越 志越

廿七上 三行 酪子裏 酪子裏

二十行 郊園 郊原

二十行 冊青 丹青

二十三行 壁朝山令 聖朝小令

二十五行 百般乘 百般乖

四行 一壺 一壺

七行 名自縊解 名縊目解

八行 金金帛 金帛

廿四行 只見 足見

京報新增十種附刊

北京京報。爲邵鵬軒社長所獨力經營。五年以來。益臻發達。消息靈確。議論謹嚴。早爲海內外各界所公認。自十三年秋季着手擴充。新聞篇幅。更加闊大。且與北京國立私立各大學。體爲彼此充實。合作。於原有新聞兩大張外。增設十種附刊。各具特色。無美不收。成爲我國各種學術之淵藪。而售價極廉。外埠每月連郵費只收大洋一元。所有附刊。隨報贈閱。毫不加價。可謂我國新聞界空前的一大理想之實現。茲列十種附刊名稱如下。

- A「京報副刊」係前晨報副刊記者孫伏園先生編輯。每日一張。
 - B「戲劇週刊」凌雲漢編輯。星期一出版。
 - C「民衆文藝週刊」荆有麟等編輯。周魯迅先生校閱。星期二出版。
 - D「婦女週刊」北京國立女子師範大學舊徽社編輯。星期三出版。
 - E「兒童週刊」兒童報社編輯。星期四出版。
 - F「圖書週刊」中華美術品商行圖書世界社編輯。星期五出版。
 - G「文藝週刊」綠波社與星屋文學社合編。星期六出版。
 - H「電影週刊」劉步堂等編輯。星期日出版。
 - I「經濟半月刊」北大經濟學會編輯。每半月出版。
 - J「社會科學半月刊」北大愛智學會編輯。每半月出版。
- 西北週刊 自上月起。電影週刊與戲劇週刊合併。另出西北週刊。專討論開發西北問題。希讀者特別注意。
- 以上十種。於十二月起。已完全出版。每日刊在京報贈送二種。或三種。大受海內外學界歡迎。爲青年學子之唯一的良好伴侶。
- 此外尚有「臨時增刊」及注重各種寫真銅版。洵不愧爲北方最大規模革新進步之日報。倘承訂閱或投稿。毋任歡迎。(定報三分的郵票可九折代報費用) 惟希公鑒。

北京琉璃廠小沙土園東報總發行所敬啓